

四
書
湖
南
講

論語湖南講 四卷

欽縣方如明 錄測

桐鄉吳應旻 錄演

錢塘鄭尚友 錄商

衛靈公第十五

衛靈公問陳於孔子孔子對曰俎豆之事則嘗聞之矣軍旅之事未之學也明日遂行在陳絕糧從者病莫能興子路愠見曰君子亦有窮乎子曰君子固窮小人窮斯濫矣○何註曰陳軍陳行列之法俎豆禮器萬二千五百人爲軍五百人爲旅興起也

測國之大事。在祀與戎。豈可偏廢。但陳法則一將之任。而非人主所宜問。故夫子以俎豆嘗問軍旅。未學爲對。將以發其問也。而靈公默然。是已無用夫子意矣。故明日遂行。孔子去衛適曹。宋。復適陳。會吳伐陳。陳亂。故乏食。困窮。是君子無心趨避。該得與窮撞着。固有窮時。濫如水之溢於堤外。人雖窮。亦自有箇界限。小人只求苟免。必致濫出。可見小人就窮不得。惟獨君子方可處窮。

演衛靈公問戰陳於孔子。孔子對說。俎豆的文事。則嘗考究。聞得了軍旅的武事。平素未曾習學也。夫子曉得靈公不能用已。於問陳的明日。卽行往他國。及至在陳遇亂。絕了糧食。相從的

弟子病餓不能興起。子路慍色見。夫子說：「君子該通達，也不免有困窮乎？」夫子說：「君子不爲謀食，固應有窮的時候。若小人困窮，便只圖苟免，濫出堤防外去了。怎比得君子會得處窮？」

商張作揖問：「固字作固守其窮，更覺照起濫字親切。」柴世基曰：「固字口氣，本與上亦有二字相應。」因子路疑君子不該有窮，故說：「君子固應有窮。」照濫字文氣不肖。答曰：「是。」

子曰：「賜也，女以予爲多學乎？」之者與對曰：「然。非與？」曰：「非也。予一以貫之。」
識如字讀

「淵多學而識」是要多聞多見，以爲體認。體認到處，方所見親切。能識得他破，然定須多學而識，則學得一件，纔識得一件，乃是

無頭學問。故夫子特將已來醒問他說。女以予爲多學而識者。與子貢卒然問此。不及思慮。卽以素所見者承當對說。然又隨生疑惑。說非與疑端忽起。正是悟門將開。故夫子就印證他說。非也。予一以貫之。只一件貫通將去。何用許多。一貫原無實義。隨人所提。如曾子之忠恕。顏子之歸仁。在子貢則問性與天道。俱是。此亦聖門提宗法也。子貢不復有所疑問。蓋已默然領受。而悟入於忘言矣。

演夫子說。賜也。你道我是多方爲學。纔識得這個的麼。子貢不及思想。就對說。不多學。怎會識。果然。只多學。怎便會識。却還不然麼。夫子就印可他說。委實不然也。我只一件把來貫通將去。

沒有許多樣的

〔問〕曹奏續問一貫之語，獨舉以告曾子。子貢夫子之告二子之悟，是異是同？答曰：夫子獨告二子者，因其機緣各有湊處。曾子平日三省其身，功夫在拘謹處做，故把一貫充拓他開去。子貢平日多學而識，功夫在散漫處做，故把一貫收攝他籠來。總是一法，而二子之悟亦各無異。夫子教曾子的，直指一貫說得徑捷，故卽應以唯。教子貢的先，探以多學而識，意在挑激，故猶有然非之疑。至於一貫既指，而子貢遂得意忘言，不復有說。視曾子實非有遜也。方之漸曰：然非與起初畢竟道多學而識的是。少聞方悟其非，恐終不如曾子之直截。曰：悟處全在疑處得力。

方是忽非。正是其善悟處。磨時雨曰。多學而識。既不是。何爲夫子平日。又要多聞多見。曰。世間中。下人多。豈能一超直入。與他空說過了。不過弄些虛頭。無有實益。只得教他從語言文字中。尋討。以待其憤悱之自至。若究竟着。則博文約禮。到欲從時。尚用力不着。何況多聞多見。故如一以貫之。如知之爲知之。遇參。陽子路等輩人。未嘗不將聞見爲一掃也。今講者不顧夫子言語。各有當機動輒以宗門唾餘。凌駕聖言。其於語上語下之旨。不大相刺謬乎。史乘古曰。既如此。則在夫子又何須多聞多見。平時尚不廢此。曰。無此一貫。則不學。因失之空疎。多學亦流于汗漫。有此一貫去。多學則處處照見本領。如一日之映萬川。既

是夫子又何妨多問多見○朱士英問從來說曾子一貫屬行
邊子貢一貫屬知邊是否湯自新曰夫子止得一個一貫那有
一個知的一貫又有一個行的一貫曾子固於行處得力若性
地不徹到底是個篤實漢何以爲曾子子貢固於知處得力若
無實踐功夫到底是個弄聰明的人何以爲子貢知行本是合
一的答曰子固說得好但既謂一貫知行不分亦可分亦可若
因說行便道遺了知因說知便道遺了行知行尙相貫不來還
再貫些甚麼○戴士模問子貢一貫之傳既與曾子等則後之
言傳道者何爲獨歸曾子答曰謂道統獨歸曾子此後儒臆度
之見不過謂曾子曾作大學能發明聖教耳然先儒又謂大學

乃作自子思辯之甚悉則此不爲定論聖門弟子自顏子下參賜終難置優劣

羅近溪集問夫子語子貢自謂非多學而一貫豈一貫則學且識俱可矣耶曰吾子平日訓學之言爲何曰學也者所以學爲聖人也曰聖人則如何以學也曰不從聞見而以身體之譬則作字然注視教情運毫酒墨乃言學字也曰茲謂作字則可學字則不可蓋心具法帖而成指或臨字始可言學也又或衆論筆法而固自試之則亦可言學也夫論筆法則聞也其法帖則見也非事聞見而徒手之爲以言乎書之藝拂且悖也况聖人耶夫言聖莫盛于堯舜禹湯文武周公矣然孟子云見而知聞而知以聖學聖亦必聞且見也則聞見苟能廢也哉曰學固在聞見矣而子貢聞見每務于多然則孔子之病之也亦或以其多之故耶曰學以聚之博學之義謂言往行以畜其德是皆孔子之言也亦何嘗以多學多識爲病耶曰然則夫子之于子貢又奚病也曰病其從事多學而不能一貫以多學焉耳曰博學詳說始能反約而歸諸一也若曰以一貫而多學弟子則未之前聞矣曰多學乃始能一貫孔子不應盡非之矣其非之者正以徒知多學而不知一貫以學也故謂之曰非也予一

以貫之曰然則一貫多學果二本耶曰亦非二本也蓋學之爲學聖學也聖之爲理神理也若會之則二而爲一不善會之則一而爲二矣夫自伏羲畫乾而一之體立泰自堯舜傳心而一之義彰遐想孔子十五學聖則必先學一矣然近而禹臯益稷夔龍遠而商湯文武伊傳周公無非所以學堯舜之學則亦莫非所以學堯舜之一也故孔子平生自堯舜以及列聖凡所以誠意正心修身所以齊家治國平天下所以經綸大經參贊大化而文獻足徵者信之極其通好之極其深而求之極其微無非求夫此一之精微透徹而無內渾渾淪淪會而無外功之專切時之積久忽然開口叫箇仁字出來便把身心家國天下萬世一以貫之無欠無餘而成個大人之學此其學也豈不多學此其識也豈不多識此其多學多識也豈不皆是聞見但非一以貫之則漫然大舟之無舵泛泛淪淪又何彼岸之登耶在門之徒惟曾子子貢僅可語此後至柯氏始盡掀翻而猶尊孔子以願學也人謂孔子者聖之一貫者也予則曰非也其聖于多學而識之者乎其聖于多學而識之者乎

子曰由知德者鮮矣

測夫子於子路每以知覺他只因他聞斯行諸遇着好事便做

更不加理會。如德則自心所得。必須細心體認。方纔見得親切。豈是躁心浮氣。可曉得的。故夫子呼其名。而以知德之鮮譬之。與愠見不相干涉。

演夫子說。由呵。學者都要求德。能真見這德親切。不鹵莽承當的。却鮮少了。

商

子曰無爲而治者其舜也與夫何爲哉。恭己正南面而已矣。

測當時舜巡方觀岳。五刑七政。許多作爲。夫子却說無爲。單爲要跌出恭己正南面。句。恭己只是個敬。危微精一。允執厥中。舜感化天下。一生精神。全在此處。縱有許多作爲。都是粗迹。直可

置之不道。故說無爲。是乃取精而畧其粗者也。

〔演〕夫子說無所作爲。却能治理的。這獨是舜也。歟。夫舜有甚麼作爲哉。只是做精一學問。端恭自己。正在南面的位上。便完事了。

〔商〕洪嗣廉問。舊謂紹堯致治。而又得人。以任衆職。故無爲。今何不用。答曰。得人任職。自古聖君皆然。何獨以此證舜。至謂紹堯。則凡堯之事。當時無一非舜代者。乃反以堯爲而舜不爲。恐非樸實之論。○方如麟問。考二典舜之所爲最多。無爲終體貼不來。答曰。此語意頓挫之法。如顏子助夫子。定不在起予之後。乃反說他非助。單爲要跌出無言不悅意來。看書若執定死字尋。

求。安能援其言外之旨。

子張問行。子曰。言忠信。行篤敬。雖蠻貊之邦。行矣。言不忠信。行不篤敬。雖州里。行乎哉。立則見其參於前也。在與則見其倚於衡也。夫然後行。子張書諸紳。○那疏曰。與車與也。衡軛也。以帶束腰垂其餘以爲飾。謂之紳。

測問行是要行得通。言不獨信而加以忠者。乃句句從心苗發出。絕無虛花。行不獨敬而加以篤者。乃切身著實做去。畧不放鬆。忠就貫在信裏。篤就貫在敬裏。我把敬信待人人。也把敬信待我。雖至遠的蠻貊也行得通。反此卽州里至近也行不通。然此敬信又不是臨時襲取得的。須要念念提醒。立則參前。在與則倚衡。時常見他在面前。此二句要合看。乃無時無處而不然。

凡人說話句句老實。有一處不老實。雖對吾言者。本自可信。亦信他。不過行事件件謹慎。有一件不謹慎。雖吾見其所行者。本自可托。亦不肯托他。必須參前倚衡。絕無間斷。方纔人俱信托。行得通達。故說夫然後行。子張書紳。亦卽參前倚衡之意。

（演）子張問行得通達。夫子說言語中心信實。行事着實敬謹。我是這等待人。雖蠻貊的。那他也是這等待我。定行得通了。若言不忠信。行不篤敬。雖州里至近。其能通行乎哉。這個做信。不是襲取得的。纔立着。便恰像參對在面前也。纔在與。便恰像倚靠在衡上也。是這樣一心不放。方纔人肯信托。好行得通。子張惟恐遺忘。把來書寫在紳帶上。

商羅士俊問時說謂言行之忠信篤敬是泛論方法參前倚衡是下手功夫然否答曰參前倚衡只是申說上意以見行非可襲取耳故云夫然後行凡聖人立言皆只論方法如醫之有方依他去用便是功夫豈有分某一截爲方法某一截爲功夫如此割裂最易障人悟門一入此窠所悞非小

子曰直哉史魚邦有道如矢邦無道如矢君子哉蘧伯玉邦有道則仕邦無道則可卷而懷之○註疏曰魚衛大夫史鮒矢箭也○家語史魚將卒命其子曰吾在朝不能進蘧伯玉退蘧子瑕是吾生不能正君死無以成禮我死汝置屍牆下於我畢矣其子從之靈公吊焉怪而問之其子以父言告公公愕然失容曰是寡人之過也于是命爲殯于客位進蘧伯玉而用之退蘧子瑕而遠之孔子問之曰古之諫者死則已矣未必若史魚死而屍諫也感其君也可不謂直乎○左傳襄公十四年衛獻公戒孫文子甯惠子食皆服而朝且明不召而射鴻于囿二

子從之不釋皮冠而與之言。二子怒。孫文子見遽伯玉曰：君之暴虐，子所知也。大懼社稷之傾覆，將若之何？對曰：君制其國，臣放奸之。雖奸之，庸知愈乎？遂行。從近關，出公使子孫子伯子皮與孫子盟于丘宮。孫子皆殺之。四月，公出奔齊。齊衛人立公孫剽。孫林父甯殖相之。二十六年，衛獻公求復，謂甯喜曰：苟反政，由甯氏祭則寡人。甯喜告遽伯玉。伯玉曰：壞不得聞。君之出放，聞其入，遂行。五月，甯喜攻孫氏，克之。殺子叔甲午。甯族衍復歸于衛。

測氣節之勁，謂直。總行之粹，謂君子。人品雖有優劣，而此處總只稱其賢。合有道無道而皆如矢，則不爲時勢所轉，乃見其直。可卷者，不必卷，而有可卷。人抱道於身，一味藏了，固不是。但既出仕，未免爲他粘帶。今要止，就可卷懷得，幾希平時行時止之家風矣。

演夫子說，勁直哉，是史魚。邦有道，像箭這等直。邦無道，也像箭。

這等直絕沒些曲折。有德的君子哉。是蘧伯玉。那有道就出去。爲仕。那無道要止。就可收卷而懷藏之。絕沒些牽掛。

商

子曰可與言而不與之言。失人。不可與言而與之言。失言。知者不失人。亦不失言。

測此在立教上說。可與言。是他胸中有一段憤悱光景。一加指點。其人即可成就。若不與言。便將好人拋棄了。不可與言。是他胸中原無一段憤悱光景。且不與說破。向後還有商量。若卽與言。便將好話拋棄了。知者是能識可與言。不可與言之機括者。故人言皆無所失。失言加一亦字。意重失人邊。蓋言之得失。總

因乎人之不可也。

〔演〕夫子說好與他說話却不與他說。是人不得成就。拋棄了這人不好與他說話。却與他說是言不得利益。拋棄了這言。惟獨有見識的人能識得該說與不該說。不說必因那人沒用。固不失了人。便說必因我言有用。也不失了言。

〔商〕

子曰志士仁人無求生以害仁有殺身以成仁

〔測〕仁人是仁已成就志士雖未達到仁人而有志於爲仁者仁乃是不忍人之心若事勢值在兩難我要保全一身的生於世人有損便傷了我不忍的心謂之害仁他則寧可不生若我殺

了身於世人有濟便全了我不忍的心謂之成仁他則操着一
成仁之成虧專在心之忍與不忍上論

演夫子說有志的士仁愛的人他則要全其不忍遇事勢兩難
決不求自己的生以傷害仁愛只有殺了自己的身以成就仁
愛

商吳孔嘉問仁字舊謂心之安不安今獨言心之忍不忍者亦
有証否答曰論安不安就該屬義上於仁字終未切曰如前所
講於古人誰似曰如唐張睢陽死守孤城身雖不免然當時得
他保障諸郡藉以稍安卽後來恢復亦畢竟賴彼之力不知生
全了多少民命又如我朝于忠肅雖不免石亨之譖然惟有他

主持所以醜虜不至長驅而宗社賴以無恙蓋論仁與論義原不同義只論一身而仁必要通論天下所以管子不死子糾而相桓公若以義士律之難道不是貪生苟免然他能一匡九合夫子卽謂之仁梁王以其所愛及其所不愛爲土地之故靡爛其人民子弟孟子就謂之不仁故求生害仁與殺身成仁只當論心之忍不忍不當論心之安不安

子貢問爲仁子曰工欲善其事必先利其器居是邦也事其大夫之賢者友其士之仁者

淵人之德性全藉師友以琢磨故以士大夫之仁賢比於百工斧鑿之器是皆能開拓我心胸銷鑿我氣質而使之成器者事

卽以師事之也。說個居是邦。隨到一處。便要親師取友。不可不
時放捨仁賢。雖以賢屬行。仁屬心。其實可互見者。

〔渙〕子貢問爲仁。夫子說百工要善巧所作的事。必先便利所執
的器。學者也有個器。但居在這地方。便要師事那大夫之賢德
的交友。那士之仁愛的到處。不可少人琢磨。

〔商〕譚貞默問空空對着士大夫之賢仁。他人自好。於己有何干
涉。還須有由己一段功夫在言外。答曰。由己固不可缺。夫子且
只就資人一邊說。亦自不輕。但看不肖的人。閑居爲不善。無所
不至。一遇君子。便惕然動心。使他時時有君子相對。必終身做
一好人了。不特此也。亦有平時極肯用功的。只閉門獨處。終是

三家村學究。成就得來。不過一獨善之士。惟遇當世名公。林下高士。聆其議論。丰采。觀其容貌。德氣。不知消了多少鄙吝之心。開了多少高朗之識。況朝夕與處。則潛移默化。真有莫知其然而然者。故學之不講。夫子爲憂。以友輔仁。曾子所尚。每慙慙於此。今世人托言爲仁。由已而不肯親師取友。若非孤僻長傲。卽是怠惰自荒。吾見其德之無成。而終於不肖之歸也。

顏淵問爲邦。子曰行夏之時。乘殷之輅。服周之冕。樂則韶舞。放鄭

聲。遠佞人。鄭聲淫。佞人殆。

○朱註曰。商輅木輅也。輅者大車之名。古以木爲車。至商而有輅。始具其制。周

人飾以金。玉。見註上有。覆前後有。旒黃帝已有。而制度儀等至周始備。

淵爲邦。卽是治天下之道。四代禮樂。實不盡此。各舉一事。以例

其餘自古允賡百工庶績咸熙必始於敬授人時故以時爲首
事論一陽初生則商周之建子丑者未爲無見但元氣尙微必
須夏正建寅乃是三陽方盛萬物甫生之候但觀一日間時當
子丑陽氣非不已回終屬晦暝至寅刻則天色漸開人皆起而
作事是寅乃天道之繇闇而闢繇晦而明歲令之首莫此爲善
故特尚之商輅以木爲大車不用金玉飾乃樸而不失於陋之
一節周冕制度此備所重在元首乃華而不失於奢之一節樂
則詔舞不是直用着舜的樂以象功昭德一代帝王自有一代
功德只要如其盡善盡美耳淫乃聲音靡曼使人聽之心志無
可管攝直是淫蕩殆乃心事叵測口蜜腹劍令人無可倚仗直

是危殆。聲與言最易動人。故制禮作樂中所急斥者。又在此。
演顏淵問爲邦的法則。夫子說爲邦不外前代禮樂於夏遵行。
令善的歲時。於殷乘駕樸素的車輅。於周戴服華麗的冠冕。若
樂以昭功德。則用善美兼盡的韶舞。好的固都依從了。又須放
置鄭聲。遠去佞人。鄭聲的音韻淫蕩。佞人的心口危殆。這決親
近他不得。

商方士亮問。韶舞謂不必定用舜樂。但如其盡善盡美耳。第韶
惟紹堯故樂。獨隆卽盡美如武亦遠不相及。則三代後安得復
有舜之過乎。答曰。如以紹堯故盡善。禹亦紹舜。何其樂不稱。蓋
觀后夔所贊。季札所稱。韶樂真有超軼百王者。○汪時霖問。佞

人若見用。必至國家危殆。何只以心事言。答曰危殆國家。是其害之究竟處。今直指佞人心事。較更貼切。

子曰人無遠慮必有近憂

測凡謀事須放寬一着。局內的將局外相形照看。方於局內見得親切。所謂足之所踈。於其所不踈者。人無遠慮。道是眼前不涉。好放鬆得近憂者。笑不寬餘。目前便被逼迫。立見壞事也。演夫子說人若沒有長遠的思慮。便笑計不留餘地。逼迫將來。迫近處也難把穩。必有切近的憂患。

商

子曰已矣乎。吾未見好德如好色者也。

淵向只云未見。猶有望之之意。今云已矣乎。則絕望矣。

演夫子說。不指望罷了。吾未曾見有好德。能像好色的人也。

西

子曰。臧文仲其竊位者與。知柳下惠之賢而不與立也。

○註疏曰。柳下惠氏。

展名獲字禽。柳下所食邑。謚曰惠。

柳凡不當得而有之者。謂之竊。文仲位居大夫。力可薦賢。乃知賢不舉。連他的位。也是不當居的。故以爲竊位。然魯之爲大夫者。非一。而獨罪文仲。其亦責備賢者之意與。

演夫子說。臧文仲其盜竊爵位者與。立朝以薦賢爲稱職。他明曉得柳下惠的賢。而不與其立於朝也。

面沈樹聲問時說謂文仲恐柳下惠形已故夫子窺破其隱情而以竊位罪之似於竊字較緊答曰文仲亦是賢大夫此太溪文

子曰躬自厚而薄責於人則遠怨矣

測躬自厚非責已厚之說乃是自家身上極其深厚如易之厚德載物醞釀得多永載得廣使人抱之不窮故謂之厚至於他人時或供我之求時或驅彼于善何能無責但各隨其力量所到而不強以不堪止責之以薄這爲何便能遠怨蓋世人心多不平只要自討便宜別人喫虧我若與他扯平人便以爲不足惟躬自厚而薄責人則人既服我之厚德又樂我之恕施故能

遠怨

顏夫子說已身上自家濃厚不淺露易盡。又從薄去責人不照樣律他。便人都道我平恕。一定遠去怨尤了。

商許光元問躬自厚作責已厚看。厚道自處的意思。已自該得。答曰本文只說躬自厚。還他個躬自厚。何得將責字移向上來。子曰不曰如之何。如之何者。吾未如之何也已矣。

測如之何。是怎麼樣處。心口間自作商量。我方纔好爲他商量得三個如之何。一樣意思。這不是胡行。便是撒懶的人。故難爲他處置。

顏夫子說不說怎麼樣。怎麼樣自己討個方法。我也沒方法怎

麼樣他了。

商

子曰羣居終日言不及義好行小慧難矣哉

〔測〕羣居終日乃一夥人成日聚做一小是正經道理言語畧

沒些正經綽起打誑都是一派歪邪議論不是是小巧的聰明

凡設機哄弄似覺尖新可喜出人意想之他却喜歡去做

難矣哉者煩難使不得蓋他把這等空閑日錯用在虛哄

處要望長進次是難的將有患害亦自該於此

演夫子說打夥聚做一處到終日長久言語畧不到正義喜

歡做那小巧的知慧這樣人怎麼使得難矣哉

商

子曰君子義以爲質禮以行之孫以出之信以成之君子哉

淵質如作用之有體質者君子專倚靠着義爲主故把他做個質幹然光光只有個義於作用時或淵畧而條理未必精詳故要節文的禮或急速而氣象未必冲和故要謙順的孫或遷徙不常而始終未必合一故又要成始成終的信人皆以君子必能喻義不知只一義還成不得必須禮孫信共成就這義方不爲硜硜的小人故謂之君子此蓋以精義之學責成於君子也

淵夫子說君子於合宜的義把來做個質幹又有禮節以行他孫順以出他信實以成他這等精義真是個君子哉

商

子曰君子病無能焉不病人之不已知也

測這與不患人之不已知患其不能也只顛倒一下然冠以君子乃是發明君子心事與泛常提醒人者不同

演夫子說君子只病患自己沒有能幹不病患有能幹人不我曉得也

商

子曰君子疾沒世而名不稱焉

測名以命實生前或造請未定至沒世則已定而名不見稱其人必無可法可傳之實便空做人一世了故特以此爲疾

演夫子說君子曰不務名邦疾惡者身到沒世無可表見而聲名不稱述焉怎得不爲早計

商孫繩武問夫子安得以稱名望君子或謂稱字作去聲讀乃相稱之稱亦是答曰民到於今稱之難道亦是民到於今相稱之人若胸中放得開廣自不必作此周旋小見如孔子當時出則思行道於天下歸則思傳道於弟子怎麼又遮掩得叫他沒稱名思量沒世無稱之可疾正好激發求實之念有何不是凡夫子說話只宜順文平看若強要周旋便如村嫗爲士紳作欸語定然難肖

子曰君子求諸已小人求諸人

測求者有所不足而乞以益之也。君子卽是大人，看得自己無所不有，道德因從性具，事業亦非外邀，自己取用不盡，故只求己。小人是極小的人，看得自己一毫沒有，富貴在人掌握，聲名在人齒頰，不靠人便難過活，故只求人。同一求而在己在人，人品爲之迥絕。

淵夫子說：君子道自己已，有餘，只求乞着自己；小人道自己不足，只求乞着他人。

高王師濟問：高中玄謂君子行有不得者，皆反求諸己，小人不免尤人，似說得親切。答曰：此亦求中一節事。

子曰：君子矜而不爭，勞而不黨。

〔測〕矜如執玉捧盈有矜持之意欲嚴己之守恐怕人來混我便
要與人相爭羣是一夥人共處絕無分辨欲廣己之量恐怕生
了嫌隙便要與人爲黨惟這矜不爭羣不黨易相涉而界限各
分纔見其矜羣妙處

〔演〕夫子說君子律已矜持容易相競爲爭却又不爭與人羣聚
容易相助爲黨却又不黨他矜羣最是得法

〔商〕

子曰君子不以言舉人不以人廢言

〔測〕言與人原不相蒙故亦當各自爲論如楚巫臣之諫納夏姬
其自爲謀則過人畢竟是不好的而爲君謀則忠言畢竟是好

的。

〔演〕夫子說君子於言只論言不爲言說得好就舉用了這個人於人只論人亦不爲人做得不好就廢棄了他的言人與言各不相掩。

〔商〕

子貢問曰有一言而可以終身行之者乎子曰其恕乎已所不欲勿施於人。

〔淵〕其恕乎乃玩此一字有深味不盡意不欲勿施雖訓恕字而其實可行意亦見蓋人終身無一日能離得人若我去待人像得望人待我的念頭只此方法那一刻行不去。

范子貢問說有只一句話好把來終身常行得的麼。夫子說要終身行得。須要體貼人情。除是個恕麼。自己心下所不要的也。恐人不要。就不將去施與他人。

商徐時泰問居官者。每謂待人當寬恕。至釀成奸慝。反至害人。恐恕字亦有行不去處。答曰。正爲今人將恕字錯解。所以只說寬恕。自己貪污鬪茸。縱令胥吏作奸。豪家武斷。至有奸貪之吏。亦爲曲庇。大家將就些。包容過去。及見一人勵操修於上。而糾正之。則皆病其刻覈。不恕。不知如心之謂恕。自家做人清正。要別個做人亦清正。正是一體待人。如心之謂。安得非恕。若自家貪污。亦縱人貪污。自家鬪茸。亦縱人鬪茸。乃俗語所謂扯人落

水者而反以怒自命。嗟乎！仁義之爲桀跖嚙矢不信然哉。

子曰：吾之於人也，誰毀誰譽？如有所譽者，其有所試矣。斯民也，三代之所以直道而行也。

〔測〕吾之於人也，斯民也。揭出人民二字，便見人有同心不容一人私作意見。毀者，如有物本壞而損之，非毀乃完全者，損了他，謂之毀。譽者，其人本無善事，可見乃以言語稱許他，起來謂之譽。其有所試，是就日前一節試驗之，而料其日後人品之必然也。民者，廣衆之稱。說這許多百姓，三代之所以直道而行，謂自古至今俱把無毀無譽的直道爲之通行。若不直，則衆心難協，衆口難調，一定行不去了。世道雖有變更，而人心不可轉易。斯

民皆直。寧獨我一人爲然。

〔演〕天子說我於天下的人。那個曾傷毀。那個曾稱譽。倘或有所稱譽的。就他目前料他日後必定已是有試驗過了。不獨我是這等。就是這許多百姓。從三代來自古到今。都是把這無毀無譽的直道。相爲通行也。那一個好枉得的。

〔商〕施惟中問。舊解斯民也。二句過下。皆謂吾何以無毀無譽。正以斯民皆直。無所容吾之枉。故耳。如此。則聖人無毀譽。全是斯民成就之。且又多一轉意。今只謂不獨我無毀譽。斯民皆以直行而無毀譽。一直說下。纔像聖人平等心腸。視人皆善語氣。答曰。落下口氣。原該如此。然斯民皆直。而不容毀譽。此意卽寓在

直道而行中亦不謂盡無○黃學頤問三代直道而行還指三代之君以此待民說覺於之所以三字有著落答曰三代特享其時之久原未見有指禹湯文武意且春秋亦周代也即目前已該於其內矣直道原無一日不在人心安得獨歸於君之待民之所以直道而行猶云把這直道去行着力在以字之所不過虛衍之耳

子曰吾猶及史之闕文也有馬者借人乘之今亡矣夫

測史闕文是不敢傳疑以誤人馬借人是不敢挾所有以私己吾猶及者只就目前所見而又已一變更可傷感

演夫子說何須上古的事只我眼裏還及見史官不敢杜撰空

闕疑文也有馬的不把來自私借與人乘之道兩件事到如今隔得幾時便都沒有已夫

商

子曰巧言亂德小不忍則亂大謀

測言可發揮心德有言固是好處但言若巧了便口頭十分伶俐恰像從積厚中流出而其實未必繇衷德之真偽難辨反爲他淆亂了不忍者心內慈祥不忍有所傷害方能爲謀以保全之不忍亦是好處但小的不忍則昵在一事一物之微煦煦爲恩而於天下的謀畧俱不及照顧此有所戀自彼有所昏大謀必爲他淆亂了此可見言與不忍全要識巧直小大之辨

顏夫子說德本辨於言。若巧利的言語，便似是實非。倒消亂了心德。謀本生於不忍。若纖小的不忍，便傾此忌彼，倒消亂了重大的圖謀。言與不忍，恐難盡憑得。

商王光濟問：巧言小不忍，畢竟是何等樣事？答曰：巧言若鄉愿，固是一種，却不盡此。如子路使子羔爲費宰，而云有民人社稷，爲學不必讀書，據理論，何嘗不是？然使未學者操刀傷人，必多是亦謂之亂德。小不忍，如孔明勸劉先主取荊州，先主不忍，這豈不是顧惜名義，然不取則英雄無用武之地，便不足以定王業，而彼亦終不能以自全，則不取卽是亂大謀。柴世成曰：小不忍，舊有二義。匹夫之勇，何以不用？曰：匹夫之勇，乃一逞而事卽

決裂當是敗謀。與亂謀貼不着。亂者似是而非。惟婦人之仁得之。

子曰衆惡之必察焉衆好之必察焉

〔測〕做人必善者好而不善者惡方停當。衆則賢愚相混。故其好惡必宜察。察非定與相左。乃求其所好所惡之何在也。

〔演〕夫子說人涉於衆。不可盡置不理。又不可樂爲聽信。有一齊憎惡着他。也必定察他所惡的實焉。有一齊喜好着他。也必定察他所好的實焉。

〔西〕

子曰人能弘道非道弘人

則弘者本小而恢之使大也。道能生成天地人物。大不可闕。怎麼倒要人去弘他。蓋道之靈寂。寄於人心。故云率性之謂道。人得此一隙。便去盡性以至命。豁然化工。昭明理學。極天際地。盡人盡物。無一非我功用所到。乃踈一隙而擴之彌六合。如一灼之火。引之以至燎原。這是道爲我弘了。若道則雖寄在人心。却沒有作爲的人。若甘棄道外。而方寸自小。則道怎能恢擴得他開。可見人者乃道中是靈之物。不可徒自棄者也。

演夫子說人有靈覺。會得恢弘那無聲臭的道。不是無聲臭的道。倒會恢弘那有靈覺的人。人怎好惟委得。

商傳朝佑問。道既能生成天地人物。有何不足。而要待人弘。答

曰易云一陰一陽之謂道。既有陰陽。便有盈虛消息之數。陰陽適得其平。則道之運行方通達而無闕。若畧有過不及處。便窒礙不通。故在天則雨暘寒燠失時。在地則山崩川竭。在人則愚蠢疾病。在物則天札疵厲。此皆數值其窮。卽道亦無可奈何。而惟人之致中和者。能以位以育。這是弘道之所以然處。

子曰過而不改是謂過矣。

過原是無心的失錯。非有根株難拔。如身被垢而洗之。垢在卽染。垢去卽淨。有何定形。不改則過留而不去。乃謂之過。是以改之爲貴也。

演夫子說。偶錯的過。還算不得數。惟不改去。便牢牢留在身上。

這纔實落喫做過了。

「[問]郭疑之問過字既以無心爲訓則到不改便屬有心矣何止加之以過而不加之以惡答曰此正謂一改之下過已全無以見改之爲益至不改之爲惡非惡則事隨輕重姑不論及」

子曰吾嘗終日不食終夜不寢以思無益不如學也

「[問]思是用叅提之功不食不寢不是有意要如此乃用心專篤自不覺得此其爲思已極篤矣無益者懸空懸想不能悟入也學乃古人之成法依此去做所思方有個入手處故以爲不如蓋此乃依學去思非謂思可盡廢也」

「[演]夫子說我始初也道專用思好曾終日不喫食終夜不寢卧」

把這樣專心。川去思想。沒有個透入得益處。看來不如做成法去做。庶不空用其思也。

問者曰。真問。思既是參提。只宜專心求悟。將見聞一切掃去。何又反不如學。答曰。參提必有個方法。非杜撰可做得的。學所該雖廣。眼上思來。乃單指參提中之方法。正欲人善用其思。以爲悟入地者。曰。學以求行。乃亦爲求知乎。曰。此與我非生而知之者。好古敏以求之者一例。敏求之求。原是求知。而亦從好古中借力。

子曰。君子謀道不謀食。耕也。餒在其中矣。學也。祿在其中矣。君子憂道不憂貧。

「測」謀是求得而經營。憂是未得而愁戚。憂卽是謀的主意。耕也。餒在其中。謀食的。倒未必得食。學也。祿在其中。謀道的。倒未必不得食。食之得不得。全不關於謀。不謀。只宜併心一路。向着道上。故君子惟憂道不憂貧。此句頂上一直說下。蓋爲世之求道者。恐饑寒爲累。而分心于生計。故言此以破其惑。

「寅」夫子說君子只謀求爲學的道。不謀求糊口的食。耕也。本爲謀食。却遇着年荒。饑餓就在這裏面了。學也。本爲謀道。却遇着君求殺祿就在這裏面了。得食全不關於謀。爲此君子只憂愁不得道。不憂愁不免貧。

商洪度問。玩祿在其中。恐不必說到君舉人之有學者。必爲世

所優禮卽不仕未嘗無食也不然時常卷懷祿又何在答曰食字猶可泛說祿則畢竟出自朝廷雖有未必得者要亦論其常耳曰上邇正說不謀食曰祿可該得食而食却該不得祿豈得因食字併將祿字換過○吳之蘭問時說謂祿雖卽在學中然君子只憂道不憂貧似更得君子無爲而爲之心答曰食乃生死所關賢如子路絕糧愠見似治生之念學者所難盡除故夫子就人情圖謀處開曉之不得又將道理來硬禁也且舊說須用一然字作轉語翻下口氣亦覺不順

子曰知及之仁不能守之雖得之必失之知及之仁能守之不莊以涖之則民不敬知及之仁能守之莊以涖之動之不以禮未善

也

測數之字。總不外此道。但不必填實。知謂之及。是識見已到那盡頭處。仁以守言。乃力行之仁。而非指渾然本體也。不以仁。便心下未能真懇。卒卒弗捨。所知的守他不住。故雖得必失。知及仁守了。謂何還不能莊蒞。這是急于修意。而修容處不及照顧。不知蒞民不端莊。無以動他作肅之心。民便不起敬於我。知及仁守莊蒞了。謂何又動不以禮。這是只去道之以德。而齊禮處未能精密。不知無禮便沒規矩準繩。教民如何做善者。純粹無疵。此于曲成萬物處。尚有疵漏。故未爲善也。此章自知及翻出仁守。又自仁守翻出莊蒞。又自莊蒞翻出動禮。遂層挑發。正

如新筮解釋亦須逐層體貼方得

演夫子說學問不可易足如參究的知已到究竟處了。實體的仁不能常守住他。雖得來終必失去。本體便全然有虧。如知及了。仁能守了。心上的造詣已好。外邊不把個端莊去臨蒞他。便民不起敬。還是沒設施的。如知及了。仁能守了。莊以蒞了。身上的容貌又好。動民不把個品節的禮。到底作用欠精當。還未得爲純善也。要須一步步做盡纔好。

商濟賢懿問。仁知只在心裡做亦好。何必定要莊蒞得民之敬。答曰。敬不是要壓服人民。心惟敬能尊信我方纔去動得他來。若不敬便精神不相管攝。何以爲感動的張本。○施鑑問。功夫

只是自身上難做。既知仁莊澹了。謂何還有動民不以禮處。答曰。世間原有有體無用者。或臨朝恭默而勞來匡直之效。實所未聞。又或如黃老之學。以禮爲忠信之薄。而有意忽之。亦不可知。○張卓然問。此章或以知及貫。或以仁守貫。何如。答曰。此皆出自己見。揉亂本文。試順文虛心一讀。何等傷筋動骨。

子曰。君子不可小知。而可大受也。小人不可大受。而可小知也。

〔測〕小知是一節的長。能得見知大受。是儘量付託他。能得承受。受如委以事權。付以學問。俱是不專指才用一邊。得此法。則君子小人俱無不盡之能矣。

〔演〕夫子說君子養得深潛。不可小處見知。而可大處承受也。小

人發得淺露。不可大處承受而可小處見知也。大小異觀便短長都不相病。

〔面〕

子曰民之於仁也甚於水火。水火吾見蹈而死者矣。未見蹈仁而死者也。

淵民以廣衆言。則仁亦必以相生言。方與下未見蹈仁而死。相應。萃萃之衆。全藉仁愛以相生。非仁則強凌弱。衆暴寡。相殘相賊。人類之滅久矣。有如水火之萃。藉以養生。而其切更甚。故謂民之於仁也。甚於水火。蹈仁是踐履此仁。人置身於仁中。則彼此交愛而必無禍患之來。故未見有蹈仁而死者。同於水火之

孟子卷之四
路此仁一味生生而更無死地真不可須臾離者惟水火最切養生故借以相形耳

〔廣〕夫子說廣衆的民於仁之相生也還甚於水火之資生水火吾見有蹈履而死的未見有蹈履乎仁反至取禍而死的仁真是有切於民生

〔商〕李宗阜問仁爲心德故註以不仁爲失心今以相生言非乃泛視此仁耶答曰玩民字水火字死字是章句以廣衆之生死論仁故惟以相生爲言則衆咸可藉之得生而勿蹈者又必不至於取死總之皆相生之義所謂里仁爲美意也

子曰當仁不讓於師

淵仁無一息可離而云當仁者是事機所值適當爲仁時候出此處稍有退讓便轉盼失之故雖該遜讓的師也不讓他

演夫子說當着了仁便須自己直任更不遜讓與師

商

子曰君子貞而不諒

○易曰貞固足以幹事利永貞朱註真正而固也說文諒信也增韻衆信曰諒又照察也

淵貞謂守正不移易以貞配時之冬者取其重陰涸寒而生音終不滅息乃堅貞之義諒謂照察是心事要人照察卽所謂垂諒者君子取必於照察則吾心無可自信而闇然內修之守取亦不能堅固矣故不爲此

演夫子說君子只是堅貞嚴自己的守而不取必於照諒

商吳士繁問君子既不諒則諒字畢竟是不好字舊謂諒則不擇是非而必於信似與書貼答曰考字義無不擇是非之解就本書証之諒字凡再見一云友諒必以其人真能相信以心若是不擇是非則信非所信安得爲益友一云豈若匹夫匹婦之爲諒也亦只是要照諒之意要照諒便所見不大卽與小信無異而獨以照諒言者取其直貼本文耳曰君子既不求照諒謂何論益友又要友諒曰涉世者定求人人諒我則必造至鄉原矣若交友則未有旣與盟心而猶可猜疑者故論交則必貴相諒之友而自立不可有求諒之心

子曰事君敬其事而後其食

鴻敬其事是一心對付在所事上凡我職業不敢少忽既已盡
瘁于君便要希圖厚報這也不是純臣之節又須將該得的食
直拋棄于後全不放上心來爵之崇卑食因之以厚薄故單以
食言

演夫子說事君方法要一心敬着所做的事既已盡職而又後
其所酬的食絕不去望報

商

子曰有教無類

洲類之不同跡各趨所向而莫如統一也教則學宗於一正可
化異歸同更安有黨類有無二字緊緊呼應

演夫子說有盡一的教法自必無分類的黨類化人只在善教商洪天泰問學者造詣不同安得無類以別之答曰類字只論人趨向之同異若造詣則淺深高下政須因材而教安能取齊子曰道不同不相爲謀

測道是所趨的路謀卽從其所趨而爲之圖謀故謀必因道若道不同則彼之苦心得力我不能諳我之苦心得力彼不能諳無論各執所見兩不相下卽相下而肯綮未嘗終難借箸故不相爲謀此不必善惡邪正之迥異卽如洛蜀之黨朱陸之辨亦是。

演夫子說所趨的道若不相同便意見各別不相爲謀畫怎麼

強得他罷來

商

子曰辭達而已矣

加言之成章爲辭人爲要成章便有許多文飾達而已矣者但要通達把我胸中的意思及所事的道理了然於手口之間便是不必更求其他也

了。演夫子說文辭何須裝點只事理說得通達沒有些窒礙便能

商

師冕見及階子曰階也及席子曰席也皆坐子告之曰某在斯某

在斯師見出子張問曰與師言之道與子曰然固相師之道也何

註曰師衆人言者名見

測師見既是替者原自有相不必夫子代說但夫子矜不成人遇着他。不覺隨處指點。固相師之道。因目前師之有相。謂此因是相師的道理。非我創爲也。夫子只就事答之。而物各付物之意。自寓。不必過爲鋪張。

演樂師名冕的來見夫子。走及到階級。夫子說這是階也。走及到席位。夫子說這是席也。衆人都坐下。夫子告他說。某人在這裡。某人在這裡。師見見了出去。子張問說。這是與樂師說的道理麼。夫子說。信然。固是相導樂師的道理也。

商

季氏第十六

季氏將伐顓臾冉有季路見於孔子曰季氏將有事於顓臾孔子曰求無乃爾是過與夫顓臾昔者先王以爲東蒙主且在邦域之中矣是社稷之臣也何以伐爲冉有曰夫子欲之吾二臣者皆不欲也孔子曰求周任有言曰陳力就列不能者止危而不持顓而不扶則將焉用彼相矣且爾言過矣虎兕出於押龜玉毀於櫝中是誰之過與冉有曰今夫顓臾固而近於費今不取後世必爲子孫憂孔子曰求君子疾夫舍曰欲之而必爲之辭丘也聞有國有家者不患寡而患不均不患貧而患不安蓋均無貧和無寡安無

傾夫如是故遠人不服則修文德以來之既來之則安之今由與
求也相夫子遠人不服而不能來也邦分崩離析而不能守也而
謀動干戈於邦內吾恐季孫之憂不在顓臾而在蕭牆之內也何
註曰顓臾魯之附庸主祭蒙山周任古之夏史柳植也橫園也兕
野牛干脯也戈戟也蕭之爲言肅也皆謂屏也君臣相見之禮至
屏而加肅敬焉是以謂之蕭牆

則夫子平日所言俱備而此獨繁悉維持宗國之心情見乎詞
矣先王以爲東蒙主見立國非出于不正且字是轉語說又在
我魯邦域之內是字直頂上文既在邦內就是社稷之臣也總
是言其不當伐危是將跌倒顛是已跌倒相卽替者之相是借
用字眼以例爲臣者引周任持危扶顛焉用彼相之言見他不

欲就該力諫以去。又說虎兇龜玉之山毀。見他不去。就不得辭其責。聞有國有家者。謂非無稽之言。有國指魯。有家指季孫。寡是人民貧。是財用均。非相等之謂。正要君十臣一。適得其分。方是均平安。乃君臣安于本等。更無越分之思。不患寡二句。是述所聞。均無貧三句。乃以已意釋之。均則各享其有。量入爲出。自然勾他用度。故無貧。和則各撫其民。各戴其主。自然勾他便令故無寡。安則君臣相信。如腹心手足之互爲依倚。故無傾。從均安內生出一和字。又加以無傾二字。總是事勢相因之必然。語自錯雜。不必強爲聯絡。夫如是。直頂上不患貧寡而患不均。不安意文德。如舞干羽而有苗格。卽均安之極也。遠人指顓臾。對

魯爲社稷臣。對季氏卽爲遠人。是時四分魯國。季氏取二。孟孫叔孫各取一。是分崩。家臣屢叛。如陽虎輩。是離析。季孫之憂。不在顓臾。而在蕭牆。正應轉必爲子孫憂句。

〔演〕顓臾乃魯附庸的國。季氏將要去伐顓臾。取他土地。冉有季路爲季氏家臣。來見孔子說。季氏將有征伐的事于顓臾。孔子因冉求最用事。獨責他說。求呵。無乃是你不諫止的過失麼。夫顓臾。昔周先王封他來做東蒙山的祭祀主。且又附庸于魯。在邦域中間了。這非敵國可比。乃是我社稷的臣也。同在一國。怎麼要用征伐爲。冉有說。這是夫子要做的。我二臣者。都不要做也。孔子說。求。古史周任有言說。爲臣的。能陳布他力量。方纔就

居他位列不能的。卽該止了。不就若是傾危而不特定。顛仆而
不扶起。則將焉用那相黨的人爲矣。且爾說二臣不欲這話差
錯了。虎兇原在柙。走出到柙外。龜玉原完全。毀壞在櫝中。難道
他自會走出。自會毀壞。必定有人管着。這還是那個的過失呢。
冉有說。今夫顓臾。城郭完固。而近於季氏的費邑。及今不取。後
世難保。必定爲他子孫的憂患。這也有不得已處。孔子說。求。君
子正怪那舍了貪欲不說。而必爲文飾的辭。丘也聞得古人說。
有國有家的。不患人民寡少。而患家國不均平。不患財用貧乏。
而患家國不安妥。爲甚麼緣故。蓋惟相均。則應有的財賦定勾
用。便沒了貧。相和。則應有的人民定勾使。便沒了寡。相安。則上

下其爲保守便沒了領夫惟不思貧窶只患不均不安是這等故遠人不服更不消用兵便修文德以招徠他既來了更不貪土地便撫安他今由與求也輔相夫子遠人不歸服而不能招徠也邦內四處分崩中又各各離析而不能保守也却謀動干戈於邦域裡面你說不伐顓臾爲子孫憂我正恐怕不均不和季孫的憂患倒不在顓臾而就在自己蕭牆裡面也

面

孔子曰天下有道則禮樂征伐自天子出天下無道則禮樂征伐自諸侯出自諸侯出蓋十世希不失矣自大夫出五世希不失矣自諸臣執國命三世希不失矣天下有道則政不在大夫天下有道

則庶人不議

○邢疏曰陪重也。大夫已爲臣故謂家臣爲陪臣。

○測此承上季氏之伐顓臾。又起下政逮於大夫而自已不免非議他。故先通論天下順逆之勢。歸到政不在大夫。庶人不議。蓋單爲大夫之專政而發。而庶人則衆多之口出於公論。不必定指卑下之人也。

○演孔子說天下君令臣共。有個道理。則行禮樂。用征伐。都自天子出。天下君弱臣強。沒了道理。則行禮樂。用征伐。都自諸侯出。自諸侯出其勢已逆。下邊必有看他樣的。蓋或到了十世。希少不失去了。自大夫出。其勢又逆。下邊必又有看他樣的。到了五世。希少不失去了。甚至陪臣專執一國的命令。其勢更逆。極重。

必返到了三世希少不失去了。爲因天下無道。故是這等。若天下有道。則政出天子。決不落在大夫。天下有道。則人心輸服。庶人決不非議。

商

孔子曰。祿之去公室五世矣。政逮於大夫四世矣。故夫三桓之子

孫微矣。

○本註曰。魯自文公薨。公子遂殺子赤。立宣公。而君失其政。遂成。宣公定。凡五公。自令武子始。專國政。歷悼平桓。子

見四世。而乃宋臣陽虎所執。三桓三家皆桓公之後。○左傳昭公五年正月。令中軍界公室也。魯中軍于施氏。成諸臧氏。初作三軍。三分公室。而各有其一。季氏盡征之。叔孫氏盡其子弟。孟氏取其半焉。及其舍之也。四分公室。季氏得二。二子各一。皆盡征之。而貢于公。

測此本前章通失之大勢。以論解事。故夫是已然之詞。

〔演〕孔子說祿之去公室歷宣成襄昭定凡五世了政逮及于大夫歷季悼平桓凡四世了把五世希不失的事勢看起來故夫三桓的子孫應得爲家臣所執莫怪他微弱了

〔商〕

孔子曰益者三友損者三友友直友諒友多聞益矣友便辟友善柔友便佞損矣

便如字讀

〔測〕友乃臭味之合最易漸染故爲益爲損者在友而受益受損者卽在我矣直者是謂是非謂非直遂而無委曲諒者他肯以信待人相諒而不蓄猜嫌多聞者所聞博洽卽之不窮辟是開辟裝模作樣施設開來便則辟得便捷畧無勉強也柔是軟熟

一味順從人善則柔得善巧。安妥貼貼。畧無破綻也。便佞亦是
佞得便捷。我與這幾樣朋友相處。便損益迥異。故取友不可不
慎。

〔頌〕孔子說。增益我的有三樣朋友。減損我的有三樣朋友。友直
遂友信諒。友多所聞識。連我也學他。直諒多聞。便增益了。友便
於開辟。友善於柔順。友便於佞口。連我也學他。便辟柔佞。便減
損了。

〔商〕

孔子曰。益者三樂。損者三樂。樂節禮樂。樂道人之善。樂多賢友。益

矣。樂驕樂樂佚遊。樂宴樂損矣。

樂如字讀

測樂乃喜樂情趣之所耽戀。則德性亦因之轉移。故所樂有邪正而損益。卽隨之。禮樂不是鐘鼓玉帛。卽在吾身。禮則舉止之間。都有個準繩而不越其矩。樂則樂不淫。哀不傷。七情之用。發皆中節而不損其和。節禮樂者。因禮樂有自然之節。而我能合之也。道人之善。是人有好處。我去稱道。多賢友。卽直諫。多聞。驕樂。是以驕傲爲樂。如舉止之放縱。服飾器用之僭侈。佚遊。是遊之淫佚於外而不知止。如流連荒亾之類。宴樂。是樂之晏溺于中而不得出。如耽酒嗜色之類。

演孔子說。增益的有三樣喜樂。減損的有三樣喜樂。樂品節中和的禮樂。樂稱道人的善。樂多賢德的朋友。所好在禮樂賢善。

中自德行日長便增益了樂驕傲的快樂樂佚蕩的嬉遊樂晏
溺的快樂所好在驕佚晏樂中自心志日耗便減損了

商柴世坊問稱道人善如何便得益答曰學問大道理舍人不
成已孟子云取諸人以爲善是與人爲善者也今轉其語云與
諸人以爲善是取人爲善者也何如

孔子曰侍於君子有三愆言未及之而言謂之躁言及之而不言
謂之隱未見顏色而言謂之瞽

測愆是過愆只發言不停當便有此三樣顏色此言更隱微言
之及不及則就他說話間便曉得了若顏色則有言未及倒反
向着我有言及了其意尚別有所向或時值厭倦不樂聽我言

這須仔細看他故說個見字。

〔演〕孔子說侍於有德位的君子。傍邊怕有三樣過愆。他的言語不會及到我。便去先說。這是胸中技癢。叫做急躁。他的言語已及到我。倒反不說。這是胸中曖昧。叫做隱匿。不會見他顏色。果向着我。便去先說。這是沒眼。看人叫做瞽目。

〔商〕

孔子曰君子有三戒。少之時血氣未定。戒之在色。及其壯也。血氣方剛。戒之在鬥。及其老也。血氣既衰。戒之在得。

〔洞〕戒者。所以止惡防非。而不敢有犯者也。其重大的有三件。一皆因乎血氣。人之身。氣聚方生。氣貫徹於周身。而血乃爲之榮。

衛是血氣卽人的身子。人只爲戀着這身。自少而壯而老。心都爲他遷轉。少時血氣方在發生。有流動之意。故未得凝定。色正情之流動者。壯時血氣充足。有盈溢之意。故爲剛強。闢正情之盈溢者。老則血氣日漸消減。既已衰弱。不能有所作爲。惟愁用度不足。要討些利益。此特各就所重言。而其實無時不需戒者。有此戒。則血氣方不得用事。而惟以神明爲主。造道乃有其基。演孔子說君子一生有三樣禁戒。年少的時候。血氣未凝定。容易引動。所戒的在色欲。及至他年壯。血氣方剛強。容易好勝。所戒的在鬪爭。及至他年老。血氣既衰弱。容易愁不足。所戒的在貪得。

商曹覲文問羅近溪說色非徒床幃情慾之謂。凡境之所遇。物之所觸。有形可見者。皆色也。闢非徒懷臂用壯之謂。凡才能藝術與物無競。常欲上人之心者。皆闢也。得非徒殖貨懷貲之謂。凡一生幹當。可便其身闢者。皆是也。如此說開。似得君子無時不戒慎之意。答曰。在君子自修。誠要充類之盡。但此爲垂戒世人。則正宜畧去微細。提出重大者。方能悚惕人。故本文只說個色。闢得。此是人品立脚所在。步步須從此路實說。體面話容易。當身做正難。人試去自反看。此三者已打得過。何妨愈求愈細。如其於此尚費商量。則其他正不須提起。多怪今人說話。每欲居聖人之先。而行事仍又蹈聖人所戒也。方如騏曰。闢若說爭。

打吾儕亦未便至此。曰闕不止兩手。該一身而言。凡以怒色加人。盛氣凌人俱是。

几子曰。君子有三畏。畏天命。畏大人。畏聖人之言。小人不知天命而不畏也。狎大人。侮聖人之言。

「測」人之敢於悖善從惡。皆起于無所畏。畏者。心有所憚而不敢肆也。天謂何有命。乃是上帝之心。欲人爲善去惡。如命令一般。詩云。皇矣上帝。臨下有赫。上帝臨汝。無貳爾心。正此謂也。人只因不見不聞。便信不及。君子則一心畏着他。不敢背違。大人是行可爲法者。聖人之言。載於六經。是言可爲則者。畏之皆是不敢違背之意。小人不知天命而不畏。正道破世人通病。他若知

有天命則福善禍淫赫赫在上如何敢不畏惟實是不曉得道
天地間決沒這等道理乃敢於放肆此其人如醢雞在野而不
見天地之大全故謂之小人大人聖言非小人所能狎侮者但
他不知尊信妄加非議卽是狎侮

〔演〕孔子說君子心下有三樣畏懼畏懼上天鑒臨的明命畏懼
有德望的大人畏懼聖人垂訓戒的言語都不敢少有背違若
小人他所見不大原不曉得實有天命而不畏懼也因此又褻
狎大人侮慢聖人的言語便都沒些怕懼

〔商〕柴世埏問舊說因有小人不知天命句并三畏亦以天命貫
下時說因開首有三畏句并小人亦以三樣平開埏意畏不畏

之分。究其原因必起於天命之知。不知。但此是主意。本文自有語氣。上節三開。下節又下。各不相妨。君子必自知有天命。故只分叙其三樣畏。而不究出所以能畏之故。小人原不知有天命。故雖三畏並叙。而必歸重于天命根繇。前講君子三平說。小人則用因此又三字。云下。想卽挺意否。答曰。此最發得明快。○曹觀文問。不知不畏。未必定是愚下之人。看狎侮字。此小人大似無忌憚者。答曰。是世間儘有才學高一世的人。只於天命監臨之義。信不及便。外面行事十分好。一至暗室屋漏。以莫予云遊。不覺放鬆。纔放鬆。則狎侮所必至者。

孔子曰。生而知之者上也。學而知之者次也。困而學之又其次也。

困而不學民斯爲 矣

〔測〕兩個知之指甚麼若說是見聞之考據連生知也不能廢學了這乃是中心有悟而自透其覺性者也覺性誰人不有但落在氣質上有蔽與不蔽之分生知者一毫無蔽生下來便會曉得學知者不免有蔽乃假聞見功夫以磨鍊出這覺性來因學者因困鬱不得通達乃去爲學此不說個知之還未必到得能知但既肯爲學便向後有個出頭日子這三種人上的因是首出了次與又次亦卽次於上等不甚懸絕總是一類的人民斯爲下纔是不肖之歸語氣重在學上以勉人知所務學之意〔演〕孔子說從生來曉得的固是上等也用學力曉得的亦卽上

之次也因因鬱不通去爲學的又卽上之次也學問會轉移得氣稟總不出是一類惟困而又不學這樣凡民便自絕了向上路頭方纔是最下的了

高子曰佳問覺性可以主宰氣質謂何反因氣質而有明昧答曰覺性在人本至靈但無氣則無所乘是氣乃載覺性者旣落于氣則陰陽運行便有不齊行得平和則清行得駁雜則濁氣清便呈露其覺性氣濁便埋沒其覺性此如人鼻間氣息有時安靜其呼吸輕細而清心思亦能入細有時動擾其呼吸喘急而濁心思亦不能入細譬之覺性是燈上之火氣是燈中之油油清則火光必明油濁則火光必晦昧此覺性雖可以主宰

氣而又不得不隨氣以爲轉移○魏士準問覺性人人有的於何見得答曰卽如至愚不肖的人他也会穿衣喫飯門裡出路上走這都是自己覺性在那裡照管曰他終不曉得道理這也當不得是知曰此如夜明珠不用以照車十乘而置之廁中然不可不謂之夜明珠也

孔子曰君子有九思視思明聽思聰色思溫貌思恭言思忠事思敬疑思問忿思難見得思義

○潮思雖在一心而以之簡身則逐處分心所謂一致而百慮舉其大者有九也明聰溫恭忠敬問難義等字政須着實體認方是九件若只重看思字便止一思矣這或未感而起念以靜察

或現感而隨所值以動觀皆是然在養成者未必如此乃是就爲學之君子而教以隨處簡點之方也

演孔子說君子時常有九樣思想目的視思要明白耳的聽思要聰察臉上顏色思要溫和身上容貌思要恭肅口中言語思要忠誠當做事便思敬謹當疑惑便思叩問當忿怒便思思難見有所得便思着該得的義逐處要把心去對付

商熊飛問視聽等俱根於心君子若逐件去思寧無此得彼失若九者一時並思心又不給看來九思還只是一思此心提得惺惺到處自能管攝也答曰此心固要提得惺惺隨感亦須簡察就視一端如看書時思想如何看得明白卽是思明又以視

聽並觀。現今聰講你心一邊。眼裡看着書。一邊耳裡又聽着講。則思明思聰亦有併集時。固不可謂九思並用一時。亦不可謂一思足空九事。劉邦彥曰。如此則九思必各隨所感。纔有未感時。其思實止惺惺而無屬也。曰未感時。或偶然思起一件。亦不可謂無。曾子每日三省其身。豈三事皆爲見值也。劉紹焯曰。此乃將迎之心。而非廓然大公之體矣。曰將迎。用在正理上亦無妨。然前講謂非養成君子。正以此故。

孔子曰。見善如不及。見不善如援湯。吾見其人矣。吾聞其語矣。隱居以求其志。行義以達其道。吾聞其語矣。未見其人也。

測此以古語律今人。而嘆其不逮。有思慕之意。如不及。一心要

趕上去。如援湯。惟恐傷害及我。真是修潔其身。一塵不染者。但只在自身獨善。無益於世。故其人猶易得。所見能與所聞相符。隱居雖無事可做。而志向則宏。尋求所謂做秀才時。便以天下爲己任者。行義是去。出仕行其君臣之義道。卽所求之志。於此通達出來。此是以一身而關乎世道之大。故其人不見得。所見不能符于所聞。大約夫子主意。不以潔身爲高。而以濟世爲急。其持論往往如此。

演孔子說有一等人。纔看身。就如趕他不及。一般纔看見不好處。就如把手撥沸湯。一般要修潔。也曾見這樣人。了。我也曾聞這樣言語了。不爲難得。有一等人。隱遁。以尋

亦他經世的志行。吾分義以通達他潛修的道。要擔荷世界。我也曾聞這樣言語。却還未見這樣人也。真是世上難得的。
商王熙章問好惡之誠。夫子嘗嘆其未見而行藏以時。乃以顏子當之。則好惡更難於行藏。此章或有感而發。未可信爲實話。柴世埏曰。平日所言好仁惡不仁。乃指仁言。此見善見不善。照下隱居行義看。則此不過獨善之事耳。如子路不善不入而聞過則喜。亦足當其人矣。至隱居行義。正是用行舍藏的人。惟顏子足當而未易多得。此兩種人。總是獨善兼善之別。其大小迥異。

齊景公有馬千駟。死之日。民無德而稱焉。伯夷叔齊餓于首陽之

下民到於今稱之其斯之謂與

測世人慕富貴輕貧賤當富貴則氣揚當貧賤則志餒不知人生在世富貴也是煞眼過的貧賤也是煞眼過的惟此名稱垂之身後歷千百世而不磨人若把這富貴與名稱合將來看便覺眼界也空濶心量也開廣自不爲目前境遇所動故夫子將一個極富的齊景公與一個極貧的夷齊對說乃借來做個影子非論齊景公與夷齊之好友也其斯之謂與始作錯簡

演齊景公有馬四千匹這等富饒那個不欣羨到死的日子民便無德行去稱述他伯夷叔齊飢餓於首陽山下這等貧困更有何指望乃民直到於今還稱述他眼前貧富怎算得數

商徐時泰問舊說謂誠不以富亦祇以異當移置其斯之謂與上今姑作錯簡豈別有說乎答曰篇章相隔甚遠安知其從此脫去恐非缺疑之旨據愚見其斯之謂與自可解釋今別爲淵演附之淵齊景公上無子曰字分明與上合爲一章乃引夷齊以証求志達道者先從見善如不及見不善如援湯說起他潔身誠得然只了自己未足爲難故謂所見與所聞相合若隱居求志行義達道是以一身之潔而培植宇宙間莫大細常乃爲難得故謂所見未能如其所聞以夷齊合看隱居是隱於首陽求志是返求其所志而寄慨於神農虞夏之歸卽不降其志者行義是行其天冠地履不可倒置之義達道是直達其所守之

道寧甘餓死而不移。卽叩馬之諫。太公亦以義人目之。可見下
引景公之富而無稱。以形起夷齊之餓而有述。惟夷齊至今見
稱。所以這言語。夫子得聞。然世多齊景之湮沒。而能爲夷齊者
寥寥。故未見其人也。其斯之謂與。卽指求志達道之人。正與上
文恰相呼應。演孔子說有一等人。纔看見好處。就如趕他不及
一般。纔看見不好處。就如把手揆沸湯一般。我也曾見這樣人
了。我也曾聞這樣言語了。不爲難得。有一等人。隱遁其居。以反
求他信心的志行。吾分義以直達他殉節的道。我也曾聞這樣
言語了。那還未見這樣人也。其人怎麼的。但觀齊景公有馬四
千匹。死的日子。民便無德行去稱述他。伯夷叔齊。飢餓於首陽

山下民到於今還稱述他。若伯夷叔齊之守節甘餓扶植綱常。其卽隱居求志行義達道之謂與。商徐時泰問。夷齊不食周粟餓死首陽。似屬潔身守義之士。引以証求志達道。似不相應。答曰。夷齊潔身與投淵洗耳之流自不同。他始爲父子之情讓國。繼爲君臣之義餓死。所全在千古綱常。豈專爲一身清潔故夫。子常稱其求仁得仁。正取其於世道有裨。而乃謂僅足當潔身。則豈惟錯看夷齊。亦且未識仁道也。曰行義達道。畢竟是出仕。曰義無定在。故無適無莫。方能比義當仕而仕。以效令其不可偏廢之誼。當不仕而不仕。以伸冠履不可倒置之分。其義一也。若達道則以身徇道。能使道無貶損。卽謂之達矣。豈必行政杼。

猷而後達哉。

陳亢問於伯魚曰子亦有異聞乎對曰未也嘗獨立鯉趨而過庭曰學詩乎對曰未也不學詩無以言鯉退而學詩他日又獨立鯉趨而過庭曰學禮乎對曰未也不學禮無以立鯉退而學禮聞斯二者陳亢退而喜曰問一得三聞詩聞禮又聞君子之遠其子也測詩之教委婉有不盡之味故可以言禮之教端方有不易之矩故可以立。

〔演〕陳亢問於伯魚說子也曾有異樣所聞於夫子麼對說未曾也夫子嘗獨立鯉急走過庭前問說曾學詩麼對說未曾也因說不學那諷咏的詩便沒個方法去言語鯉隨退而學詩他日

夫子又獨立。鯉急走過庭前。問說曾學禮麼。對說未曾也。因說不學那規矩的禮。便沒個方法去植立。鯉隨退而學禮。只聞得這兩件。陳亢退而喜歡說。我只問異聞一件。倒得了三件。聞得詩會言。聞得禮會立。又聞得君子沒些私厚。疎遠自己的子也。**商**方允。遂問。假如今人便細心誦詩。口誦的仍舊口誦。如何便能言。答曰。詩人言有盡而意無窮。正得此不盡之意。方謂能言。豈是要人利口。

邦君之妻。若稱之曰夫人。夫人自稱曰小童。邦人稱之曰君夫人。稱諸異邦曰寡小君。異邦人稱之亦曰君夫人。

淵與已相匹曰夫人。幼小無知曰小童。因君之尊而尊之曰君。

夫人因君之謙而謙之曰寡小君。因吾君與鄰君敵體而異邦。敵體視之亦曰君夫人。疑是門人記當時所稱謂以寓正名之意而誤入於此。

〔商〕

陽貨第十七

陽貨欲見孔子。孔子不見。歸孔子豚。孔子時其亡也而往拜之。遇諸塗。謂孔子曰。來予與。爾言曰。懷其寶而迷其邦。可謂仁乎。曰不可。好從事而亟失時。可謂知乎。曰不可。日月逝矣。歲不我與。孔子曰。諾。吾將仕矣。

○朱註曰。陽貨季氏家臣名虎。嘗因季桓子而專國政。禮大夫有賜於士。不得受於其家。則往拜之。

一 淵歸孔子豚。欲以大夫賜士之禮。致孔子。時其亡。謂其不在家時也。此只是不欲而見之意。非爲相稱。陽貨原不明。故夫子仕已。而只泛以應仕之理相諷。所言未嘗不是。故夫子亦不明發其意。只就其言而漫應之。

陽貨要見孔子。勸之出仕。孔子不見他。歸送孔子以豚。孔子探他出仕時候。往去拜答。回來。突巧遇於路塗。貨因謂孔子說來。我正要與你說話。因說懷藏那濟世的珍寶。而迷亂邦國。不去救濟。這可喚做仁愛麼。曰。懷寶迷邦。果不可謂仁。又說好出去做事。常常錯過了好時候。不趁着機會。這可喚做有識見麼。曰。好從事。失時。果不可謂知。又說。日月已過去了。年歲不我

再與怎麼還好。踐跖得。孔子說諾。果然時去不能再得。我也將出去爲仕了。

商

子曰性相近也習相遠也

測性之義何居。如水之性寒。火之性熱。薑之性辣。梅之性酸。凡物皆有性。此所謂性。乃是心之性也。蓋性字從心從生。卽指心之有生處。心得其性。則心生。心失其性。則心雖存而實死矣。如水性本寒。而煮於釜則熱。水之性已死也。寒本不在水外。性本不在心外。二而實一者耳。言相近者。性則萬物皆備於我。彼之性與我相肖。我之性與彼相肖。同謂之性。必不至迥異。如居之

比附不相寥遠。故謂之相近。乃人人相貼近也。此不是以善惡未分爲相近。乃以彼我不殊爲相近者。習正與性反。乃習染之習。只作不好字看。人自此身墮地。以至老死。無一時非習。世緣既已習熟。便各懷其私。各執其見。與相近之性。日漸悖馳而相遠矣。此亦不是善惡既分爲相遠。而以習之離性爲相遠。相近的。纔是性相遠的。是習不是性。對舉性習。要人從性中認習。習消則性顯。從習中認性。性見則習亡。是乃相反而勢不並存者。廣夫子說。人心的性。彼此各肖。本相貼近也。世故的習。日漸悖馳。乃相寥遠也。性與習正相反。此宜分辨。

商柴世基問。心與性。從來看作兩個。今獨說是心之性。便做一

個看了。實出創問。答曰。若兩個須心自心。性自性。兩下如何安。
頤曰。既是一個。謂何有心與性之異名。曰。若分別言之。則心有
本體有作用。作用屬情。而本體屬性。本體每爲作用所埋沒。故
以性之一字表顯其心。使覓心者。好爲識認。孟子云。子能順杞
桮之性。又云。是豈水之性哉。是木與水皆有性。隨物而表其本
體之必然也。然則此性。安得謂另有一物。而非所以表心者哉。
故凡單言性。該得心。單言心。該得性。而心與性並言。亦微有別。
是一是二。各不相妨。曰。性者。量周法界。只是一個。今言水火草
木皆有性。何性若是之多。曰。性固量周法界。亦細入微塵。豈得
獨遺水火草木。要知世間一切物。總不外我性中法象。然此所

論性。且只言心之性。而他物原不道及。郭凝之曰。凡物皆有性。則程子謂氣質之性。果有之矣。其性云何。曰。凡物氣聚卽生。是氣之性。亦以生爲義者。故告子以生之謂性。食色爲性。孟子亦以耳目口鼻之聲色臭味爲性。此皆以氣言性也。曰。如此則相近之性。兼氣質言是矣。曰。氣之性。正卽水火草木之性。蠢然無知覺者。彼實藉心以爲知覺。心一爲氣用。則貪食悅色。彼此痛癢。各不相關。安得相近。此惟以相近言性。故知其爲心之性。而非氣之性也。○湯自新問。性旣萬物皆備。只該言相同。不該言相近。相近。則亦有不同處矣。答曰。性之分量。雖通乎萬物。而性之發。寔實各在自心。同而異。異而同。故以近字爲渾融。且相近。

照起下相遠看。若同則與遠不相應矣。張殷甫曰。習何以不云相異而云相遠。曰。異乃大槩不同。便是遠。則自近而遠。逐漸造去。不知其何所底止。如比閭而居。朝夕出人。本日相親昵者。乃移而之里許外。之十百里外。甚至千萬里外。而音信毫不通者。其初皆比閭而居之人也。性之蔽於習。而與人性日漸相隔。其變態亦復如是。徐時泰曰。習相遠。自來俱以善惡分言。今謂是習離性。則習乃損性者。彼復性之聖人。舍學習安所用功乎。曰。此習相遠。緊緊與性相近爲呼應。則相遠相字。乃將遠與近相對。非將善與惡相對。彼復性之習。正適還其相近之體者。不可以相遠言也。若謂相遠之習。是爲善爲惡之分途。則相近之性。

便是可善可惡之交界。不幾論性同於告子之湍水乎。○柴世
疑問。前講性字已詳。特未判其善惡何如。答曰。善惡本文原無。
故不說。曰。今請爲開示。按子思言天命之謂性。自誠明謂之性。
固未嘗言善惡也。孟子乃言性善。而荀子則言性惡。畢竟性于
善惡何屬。曰。性畢竟屬善。卽所引天命之謂性。易云繼之者善
也。天命豈不本善。誠與明卽明善誠身。誠明豈不亦是善。曰。何
以有言善言惡之不同。曰。以心之性。氣之性分貼。則心之性善。
氣之性惡。兩說俱可通。曰。人身心氣俱備。則性果有善有惡矣。
何爲獨屬之善。曰。此不外孟子從其大體爲大人。從其小體爲
小人之說。以心從氣。則氣爲主而性惡。荀子所論之性是也。以

氣從心。則心爲主而性善。孟子所論之性是也。凡性只論心不論氣相近正是其善處。孟子所以受學子思而直接孔氏之傳者。端在此。劉亮采曰。論者又有以無善無惡爲相近。何也。曰。此爲破人執着。故掃去善字而言無。不知善果留滯在心。認爲已有。則私而不公。正是相遠之習。而非相近之性。安得爲善。善則原無執着之心。但有大公之體。於心標出一性。於性標出一善。總只一物。而多方指點者。豈真有個形質。如另一好物加於性上。而恐其障礙。必掃善歸無也。若欲索之虛無。則併性之名。恐亦難立。旣已安名立號。便不必避善字。譚貞默曰。說善必與惡對。而性乃無對之物。故說不得善字。曰。善旣與惡對。則無亦與

有對說無不幾爲二乘之頑空乎。安見善不可說而無獨可說也。

子曰唯上知與下愚不移。

測此承上章言。上知是全露其性而相近之極者。卽生而知之。之上也。下愚是牢錮于習而相遠之極者。卽困而不學之下也。相近之極者不能移而相遠之極者不能移而相近。故謂唯上知與下愚不移。性唯上知方不移。則非上知。性難保其不染于習也。習亦唯下愚方不移。則非下愚。習猶可挽其復歸於性也。唯字內大有警策人意。

演夫子說。性習最能相移。惟獨上智全露其性的。一定相近。與

那下愚牢錮於習的。一定相遠。便再不移易。

商施惟中間上知下愚自來皆以氣稟說。今獨將上知屬性。下愚屬習。何也。答曰。上知之屬性。易知也。若下愚。則性豈從來不好者。皆繇風習漸染。至於牢錮而不可破。則所秉之氣亦至濁而不復能清。如孟子云。牾之反覆。則夜氣不足以存。可見下愚實不外積習之使然也。且以上知爲性相近之極。則以下愚爲習相遠之極。則直貼上文似更徑捷。鄭尚友曰。下愚單屬習。亦有生來下愚的。此又何解。曰。但以有生後論。誠有不可解者。卽孟子謂孩提愛親。亦不過借事指點耳。若小兒愛母。實專爲乳哺。如易子而養之。則小兒必愛乳母。不愛生母矣。此等處豈得

便謂是性。要必有個夙生來因。說了你也難信。須索自討分曉。
子之武城。聞絃歌之聲。夫子莞爾而笑。曰。割雞焉用牛刀。子游對
曰。昔者偃也聞諸夫子。曰。君子學道則愛人。小人學道則易使也。
子曰。二三子。偃之言是也。前言戲之耳。○邢疏曰。時子游爲武城宰。以禮樂導民。故絃歌莞爾。

爾小笑貌

○絃。琴瑟之絃。絃歌者。絲聲與肉聲相和也。因天下皆不用禮
樂。而小邑能用。驟聞不覺喜歡。故笑說割雞焉用牛刀。故爲嘲
戲之語。乃子游把平日所聞來答。其實不會夫子之意。而言却
有理。學道雖是平日言語。子游引來。卽指著禮樂。旣學禮樂。則
性情養得和平。受人易使。隨分各盡。易地皆然矣。夫子因子游

以正對。故復是其言。而自明爲戲。呼二三子者。欲以道易天下。併望之。二三子。令其共証此語也。二三子句。採湯自新解。

演夫子往武城地方。時子游爲邑宰。聞絃歌的聲音。知道他祀禮樂教人。不覺喜歡。莞爾而微笑。因戲說。割一雞。何須用殺牛的刀。這等大做作。子游對說。往常偃也。聞得夫子說。君子學了道理。便心事慈和。肯愛惜人。小人學了道理。便心事和順。容易使令也。這道那一處少得的。夫子說。二三子。你們都聽着。偃學道的言。最說得是也。我前言割雞。乃嘲戲之耳。

商

滄東演曰。莞爾之中。夫子含有微意焉。舉國不興。禮樂而獨用。武城何異以一葦障在淵。故戲謂若不必用者。然此傷疎之

感也。夫子爲中都宰，不用絃歌。蓋聖人之欲試而不輕試者多矣。使子游之絃歌，用于周公未衰三家，未僭之先。夫子此絃亦無有落。

公山弗擾以費畔，召子欲往。子路不說曰：「末之也已。何必公山氏

之之也？」子曰：「夫召我者而豈徒哉？如有用我者，吾其爲東周乎？」註

疏曰：弗擾爲季氏宰，與陽虎共執季桓子之適也。徒空也。案定五年左傳云：六月，季平子行東野，還未至卒于房。陽虎將以珣璣飲仲梁懷，弗與曰：「改步改王。」陽虎欲逐之，告公山不狃。不狃曰：「彼爲君也，子何怨焉？」既葬桓子，行東野及費，子漫爲費宰，逆勞于郊。桓子敬之，勞仲梁懷。仲梁懷弗敬，子漫怒，謂陽虎子行之乎。九月，陽虎囚季桓子，是其事也。至八年，又與陽虎謀殺桓子。陽虎敗而出，至十三年，季氏將墮費公山不狃、叔孫輒，率費人以襲魯，國人敗諸姑蔑。二子奔齊。

〔測〕公山弗擾乃季氏家臣，與陽貨共執季桓子，來召夫子。夫子必非肯助畔者，彼豈不審量，或能降心以受教，未可知。故夫子

欲往就之。爲東周是怎麼作用。想魯之弱。全繫於季氏之強。今季氏業已內潰。夫子往就弗擾。必說他首先服罪。致邑於魯君。以魯君之命。命之收季氏之權於上。而孟孫叔孫將不待創而自服。然後修明文武周公之道。以德威化服天下。使今日之魯。卽如我周治岐之時。則西周之道。復行於東。故爲東周。

演費邑。宰公山弗擾。據費邑爲畔。亂來召夫子。夫子欲往就他。子路不喜悅說。一向沒處去了。何必又公山氏那裡去也。這等入還濟得甚事。夫子說。夫召我的。豈不曉得我做人。徒然來召哉。倘或有能委任我的。我必定把周道行在東方。其做個東周乎。

(商)

子張問仁於孔子。孔子曰：「能行五者於天下，爲仁矣。」請問之。曰：「恭、寬、信、敏、惠。恭則不侮，寬則得衆，信則人任焉，敏則有功，惠則足以使人。」

測仁本在一心而言行五者於天下者。蓋仁以天下爲一體一體中不可使有一處少滯。致成痿痺之患。但仁體廣大沒個攝引方法終難貫通。故就中分山五件。使他各就經絡以爲引導。恭寬信敏惠乃五者名目。不侮得衆人任有功足以使人指天。下言蓋行仁若只有我這邊沒有人那邊終笑不得能行必須我以此感彼以此應精神各各貫徹而絕無壅闕方纔是能行。

五者於天下方是一體的仁。

流子張問仁於孔子。孔子說。仁把天下爲一體。會得行那五件於天下。沒有一處壅滯。就是爲仁了。子張復請問。怎麼行五者於天下。夫子說。不慢的恭。不隘的寬。不欺的信。不懈的敏。不刻的惠。這是五件。能行這恭。自處於敬。人也敬我。便不侮慢。能行這寬。我容得人人。也求容於我。便得衆歸。能行這信。我托得人。過人也肯托我。便人都委任焉。能行這敏。做得事快。也完得事來。便有功績。能行這惠。我加恩於人人。也知感我的恩。便足以使令人。這正是行天下處。

商吳上文問。行仁於天下。似倒在境緣上用功。答曰。心內雖自

有功夫可做。然亦離境不得。心如明月當空。山川人物一切俱照。若光有照不及處。卽是其月被掩。未有心境可分兩截者。○吳應科問。有謂不侮得衆等。不當作效驗說者。是否。答曰。今人只是肚腸小。併效驗二字怕說。不知所謂效驗者。乃就所應而証驗之謂。此感彼應。理勢自然。因不侮得衆。乃以驗我之恭寬。但不可不盡其在我。而先以責應耳。果識得效驗二字破。便說何妨。

佛胖召子欲往。子路曰。昔者由也。聞諸夫子曰。親於其身爲不善者。君子不入也。佛胖以中牟畔子之往也。如之何。子曰。然有是言也。不曰堅乎。磨而不磷。不曰白乎。涅而不淄。吾豈匏瓜也哉。焉能

紫而不食
苦勉不材

○邢疏曰佛肸晉趙簡子之中牟邑宰薄也沮水中黑土可以染皂猶黑色也地瘠也○廣韻薄石因器

〔中牟〕中牟乃晉趙簡子私邑佛肸以中牟畔正與弗擾之叛季氏相同不善不入在未堅白的正該如此故亦然之不口堅乎不曰白乎堅白亦是平口所說磨而不磷沮而不淄乃解說堅白之不怕磨涅磷訓薄繻訓黑堅白之不移於磨涅以喻德至而不爲不善所移者飽瓜乃是苦的故常繫在藤蔓上而人不之取食以喻人之固守其身而不爲世所用者

〔中牟宰佛肸來召夫子〕夫子欲往就他子路說往常由也問得夫子說親於其身做不善的君子不入他黨內今佛肸把中

年爲呬。正是親爲不善的。夫子之往就也。却要怎麼。夫子說。然果有這不善不入的言也。然不曾說堅剛乎。便是磨礪而不被他磷折。不曾說潔白乎。便是涅槃而不被他縮黑。我正要待人磨涅。豈是無用的匏瓜也哉。怎能繫住在藤蔓而不爲人食。

商陸運昌問。夫子於公山佛肸之名。既說該往。仍又不去。是何言行之不相顧也。答曰。其欲往者。一時濟世之熱腸。而究竟事勢難行。只索又住了手。曰。聖人於當下。乃亦有見不到處。必待轉念。方纔停當耶。曰。世上事勢未必能行。而情自難忍者。往往有之。此但可住手。不可灰心。如舜見象有思君之言。便要百官與治。究竟亦不曾行得。曰。公山佛肸。夫子於他。有何不可忍處。

曰借公山佛胖。便可行自己的道。救濟一世。何謂可恕。雖然。卽公山佛胖。聖心亦無繫人。

子曰。由也女聞六言六蔽矣乎。對曰未也。居吾語女。好仁不好學。其蔽也愚。好知不好學。其蔽也蕩。好信不好學。其蔽也賊。好直不好學。其蔽也絞。好勇不好學。其蔽也亂。好剛不好學。其蔽也狂。

淵六言卽是仁知信直勇剛。蔽是遮蔽。乃逐所好而蔽於一偏者。蓋天下道理。雖具在自心。而處置之方。必全備於古今之事。變惟好學。則諳練日多。見得完全。方纔穩當。而不學者必有蔽。如好仁一味要救濟人。不度德量力。欠有分曉。卽是愚騃。好知一味要有知解。鑒空杜撰。絕無憑據。蕩者如水之蕩漾。而無邊。

際也好信。一味要言語不爽。便理勢行不去的。也拘執前言。不肯轉移。未免害事。故謂之賊。好直。一味要行得直遂。便情理該得容隱的。也忍不住。盡數逼出。來。故謂之絞。勇與剛相似。勇屬加人一邊。剛屬自任一邊。好勇。一味要奮發。便是名分所制的。也去越過。必至犯上而亂。好剛。一味要擔當。便是力量不到的。也去承認。必至高自矜許而狂。六言本美德。而以不學俱成蔽。甚言學之不可已也。

〔涵〕夫子說。由也。你曾聞得六樣言語。有六樣遮蔽麼。由站起來對說。未曾也。夫子說。你且居坐了。待我告語汝。若只好仁愛。不好學仁的方法。其遮蔽也。卽是可囿的愚。只好知識。不好學如

的方法其遮蔽也。卽是浮想的涉。只好信實。不好學信的方法。其遮蔽也。卽是冒險的賊。只好直遂。不好學直的方法。其遮蔽也。卽是盡情的絞。只好勇敢。不好學勇的方法。其遮蔽也。卽是犯上的亂。只好剛果。不好學剛的方法。其遮蔽也。卽是自肆的狂。只一不學。隨你甚麼好處。都翻成不好的。

商

子曰。小子何莫學夫詩。詩可以興。可以觀。可以羣。可以怨。邇之事父。遠之事君。多識於鳥獸草木之名。識如字讀。○朱註曰。興感發。志意。興考。是得失羣怨。而不流。怨怨而不怒。

淵此極言學詩之益。以引詩人。

演夫子說。小子謂甚麼不去學夫詩。詩感切人情。好把來興起。曲盡世故。好把來觀看。羣聚相爲規諷。好把來羣。怨誹出自忠愛。好把來怨。讀孝子的言。近在家裡。有事父方法。讀忠臣的言。遠出在外。有事君方法。且他托物比興。因又多識認於鳥獸草木的名目。詩裡有這許多益處。

商

子謂伯魚曰。女爲周南召南矣乎。人而不爲周南召南。其猶正牆面而立也與。○朱註曰。周南召南詩首篇名。所言皆修身齊家之事。

測周南。自岐周以南之侯國。召南。使召伯布政於南方。總是文王化行之地。蓋繇后妃以及列國之夫人。游女。皆化其德也。人

而不爲周南召南言既做個人定須爲周南召南若不爲此便從家內幾個人先行不通了正牆面而立只是喻當面不可行之意

〔演〕夫子謂伯魚說汝曾學做周南召南曉得化行自近的方法麼做了個人若不去學做周南召南這人於眼面前便沒法處置還那一步好行得恰像正向牆面而站立也與

〔商〕

子曰禮云禮云玉帛云乎哉樂云樂云鐘鼓云乎哉

淵禮記孔子曰言而履之禮也行而樂之樂也人惟實能踐履此禮方纔把玉帛來交際惟實能喜樂此樂方纔把鐘鼓來宣

暢玉帛鐘鼓。固廢不得。若把他全當做禮樂。便錯會了。乎哉。要得咏嘆不露之意。

〔演〕夫子說物不虛備。禮的喚名。禮的喚名。只這玉帛。便喚做禮乎哉。器不虛陳。樂的喚名。樂的喚名。只這鐘鼓。便喚做樂乎哉。

〔商〕

子曰色厲而內荏。譬諸小人。其猶穿窬之盜也與。

○邢疏曰荏柔佞也。穿穿壁窬

窬窬也。

測色在臉上的。粧得嚴厲。凜然難犯。而內裡宅心處。一味柔軟。絕沒些剛腸。荏訓柔。正與厲反。這等人也。粧成個大人模樣。故比他做小人。猶穿窬之盜者。盜名之大人。與盜財之小人。總是

一般心事也。

演夫子說。顏色最是嚴厲。而却又內裡柔荏。這等粧做大人模樣。若比於小人。正像穿壁竊牆的盜賊。一樣怕人知覺的呢。

附

子曰鄉原德之賊也。

○荀子原穀註讀作愿

測原與愿同。愿慝本是好處。而合以鄉。則是修細謹而要鄉曲之譽者。鄉人未必皆善。所稱豈盡當。以此得名。必非真品。德之賊。謂把德都偷竊了。正指他居之似忠信。行之似廉潔處也。演夫子說。通鄉都稱愿慝的人。他粧成忠厚模樣。哄人道好。乃是偷竊德的盜賊也。須防備着他。

商艾南英問鄉原之忠信廉潔。若全是體面假飾。而所行實有不忠信。不廉潔處。必然露出破綻。誰人無眼。何以能無利無非。答曰。此疑得最是。鄉原行事。必是能忠信廉潔的。曰。既如此。又何以謂之似曰。此當連同流俗。合污世看。堯舜孔子之道。必以天下爲一體。要人人學好。鄉原只把自己行事。做成忠信廉潔。而不以此去待人。如流俗污世也。便順從着他。聽他混帳。相處得來。卽此便見他全無物。我俱成實意。只要騙人喜歡便了。故誅其心。而以爲閹然媚世。併忠信廉潔。亦俱謂之似而非真也。柴世埏曰。世間豈有真廉潔。真忠信。而猶同流合污。閹然媚世者。從古來未見有此人。曰。史稱馮道生平。卧不設床席。止一束。

苟所得俸與僕厮同飲食有掠美女相遺者寘別室而訪歸之
歲飢出所有周鄉里而躬自耕野負薪對君屢以善言勸導此
何等忠信廉潔而當世亦遂無賢愚皆仰之爲元老易主卽迎
順懷仰自適畧無懼色又何其同流合污而閤然善媚也千古
來鄉原亦不易做惟馮道所行最爲酷肖若後世則以善宦而
小廉曲謹邀世俗之譽者亦或有之要不過得鄉原之具體而
已曰如馮道則後世皆知唾罵然未必能如鄉原之欺世曰正
爲後世纔知唾罵當時實盡被其欺若非人望所歸如史所稱
仰爲元老則何以累朝皆尊禮之而不加擯斥曰鄉原既能真
忠信真廉潔如此欺世夫子又以何法識他曰有何奇術只看

他同流合污而無與人爲善之念便是一針刺骨足爲西秦照壁之鏡

子曰道聽而塗說德之棄也

湖道途俱是路總是隨聞隨說之意聞得了須放到心上理會方得他受用若急急說出這只在口頭賣弄一番便拋過故謂之棄

演夫子說道路上聽來却就在塗路上說出全不安放在心裡這是把德來拋棄了也

商

子曰鄙夫可與事君也與哉其未得之也患得之既得之患失之

苟患失之無所不至矣

測鄙如村鄙是無大見識的此亦不爲至惡只因見識小了知有一身不知有家國天下故患得患失至於患失而無所不至則或要結奸黨或讒害忠良或蠱惑君心而流毒天下種種奸惡本非初意樂爲無奈事權所在放捨不得便畢竟到這田地故事君者當辨鄙夫於早

演夫子說村鄙的夫好與他同事君也與哉其未得事君也愁患要得之既已得之愁患復失之患得還有了期苟患失之便凡可爲固位計無所不至了

商

子曰古者民有三疾今也或是之亡也古之狂也肆今之狂也蕩古之矜也廉今之矜也忿戾古之愚也直今之愚也許而已矣說文肆極陳也玉篇廉稜也

測凡所習失其和平者皆爲疾病不必定是氣稟生成肆是陳列要做狂的進取不免高視測步把未到的好事都攬取開來蕩則蕩溢不收越道隄防連不好事也放開去做廉是稜角要矜持不免露了稜角凡自守處或欠渾融忿戾便一味忿怒與世乖戾不合要去凌人了直是直遂因爲愚了沒見識不會委曲周旋只得傍實行去詐則便哄騙人反要弄虛頭而已矣總頂上三件謂狂矜愚的疾到底底是爲蕩爲忿戾爲詐這等罷了

原病都復不轉來。甚有嘆息之意。

〔漬〕夫子說古時人民有三樣疾病。如今或連這疾病都變得沒有了。古之狂也。爲慕古的放肆。今之狂也。爲踰閑的流蕩。古之矜也。爲守己的廉隅。今之矜也。爲愛人的忿爭。垂古之愚也。爲率真的直遂。今之愚也。爲弄虛的奸詐。把三疾是這樣結果了。

〔商〕吳孔光問。既謂之疾。明屬不好一邊。夫子何以取之。答曰。只爲世人於好處。未免作假。除是不好的疾。尚或率真。夫子正要就真病處。去下錯鍾。那料世人又會粧假病。症候不明。沒處下手。夫子直是許多傷感。故付之而已矣。一嘆。

子曰惡紫之奪朱也惡鄭聲之亂雅樂也惡利口之覆邦家者

測紫之間色。本不如朱之正色。然若兩樣並列。反形得紫色濃。艷耀目。朱色不覺動眼。是紫把朱的色奪了過來。鄭之淫聲。本不如雅之正聲。然若兩樣同奏。鄭聲淫靡。雅樂和平。只聽得鄭聲。雅樂倒聽不仔細。是把雅的聲音都攪亂了。利口乃說話捷給。不過是一張快嘴。國家千萬世之業。豈容他搖動得。然不覺又入其中。把極大邦家都被他口舌翻覆轉了。覆字只作翻覆。而覆字意自在其中。者字卽指利口之人。天下邪之能勝正大。樂若此。故俱爲可惡。

演夫子說。世間偏是邪的會掩正。怪那濃艷紫色之炫眼。把朱

色凌奪也。怪那淫哇鄭聲之動聽。把雅樂混亂也。怪那一張利口之顛倒是非。把極大邦家。都在舌尖上翻覆者。

商湯只如問國家。怎麼在舌上翻覆得。答曰。杜詩翻手作雲覆手雨。雲雨怎麼在手上翻覆得。曰。如此是覆邦家。只是假借形容。然自古如伯嚭之譖子胥。秦檜之譖武穆。畢竟邦家爲他覆人。難道不實有其事。曰。誰道不實有其事。正俗語所謂舌頭下壓殺了人。

子曰。子欲無言乎。貢曰。子如不言。則小子何述焉。子曰。天何言哉。四時行焉。百物生焉。天何言哉。

測夫子欲無言之意。只是要人務實行。教者親做個樣子與人。

看學者照他樣子去做。總不在口裡虛說。所謂做的是真說的。是假也。然本意夫子不曾道出。子貢雖曉得。因要發其隱。故有不言何述之問。天原不曾有聲。何嘗說話。四時行。是四時各循其令。時至卽行。更無有愆期失候而歇息者。百物生。是百物各得其氣。具形質以有生。更無有氣候已至而滅息者。此皆是天之所爲。天何言哉。與上句同意。以喻夫子。四時行。卽爲之不厭而躬無脩行。百物生。卽誨人不倦。而人皆速肖。天何言。卽默而識之也。正意猶云。我有何言說。只是自己實落做去。你們也照樣去做。我有何言說。註疏曰。人若無言。但有其行。不亦可乎。此最得旨。

六十三
演夫子說我的意思。欲要沒了說話。子貢問說。夫子如若不說話。則從學的小子。把甚麼傳述焉。夫子說。天何曾有言說哉。春夏秋冬的四時。都照氣候行焉。飛潛動植的百物。都稟氣化生焉。天是這等樣。做將出來。何曾有言說哉。

商問。繼訓問。舊講謂道理原自躍如。不消說得。似於無言無字。更貼得着。答曰。舊謂道理躍如。自不須言。今謂實行真切。故不須言。於無言亦俱可貼。但謂理本躍如。則止是悟到的曉得。其餘小子。真令其難述矣。惟就實行說。則四時指教者。百物指學者。方爲切實可曉。纔得勉勵小子之意。○徐繼溥問。以四時行。喻爲不厭明白易貼。以百物生。喻誨不倦。竊疑無言。則學者如。

何便能會意答曰要學者會意正須躬行假如師是言讀者的
其子弟不必訓戒自必去讀書若爲師者終日游蕩雖諄諄以
讀書爲勸其弟子豈肯相從

孺悲欲見孔子孔子辭以疾將命者出戶取瑟而歌使之聞之
廿口孺悲嘗學士喪禮於孔子當是時必有以得罪者

○**測**既辭以疾而又使知非疾欲其知所悟也

○**商**

罕我問三年之喪期已久矣君子三年不爲禮禮必壞三年不爲
樂樂必崩舊穀旣沒新穀旣升鑽燧改火期可已矣子曰食夫稻
衣夫錦於女安乎曰安女安則爲之夫君子之居喪食青不甘聞

樂不樂居處不安故不爲也。今女安則爲之宰。我出子曰予之不仁也。子生三年然後免於父母之懷。夫三年之喪天下之通喪也。予也有三年之愛於其父母乎。○何註曰。則書月令有更火之文。春取榆柳之火。夏取棗杏之火。夏季取桑柘之火。秋取柞櫟之火。冬取柞橧之火。一年之中鑽火各異木。故曰改火也。

一測宰我以三年之喪爲妨禮樂而欲短之。是不知禮樂之本者。夫子且不與辨。只詰問他不安奉養的心。這不安奉養的心從何來。實出於父母之恩深難報。人子果動此念。則三年之喪於情自不容已。若不動此念。便使能盡禮制。亦不過如世人之披麻帶孝而食旨聞樂居處宴然如故。雖有三年之虛文。反不如期年之實行矣。宰予豈有溺於此故欲短喪而令人共勉其實

與然人子報親之心終難盡愜。故夫子再三以情動之。燧者鑽木出火之名。改火者改變其出火之木也。

演宰我問三年的喪。只是期年。便已長久了。君子因居喪三年不習爲禮。禮一定廢壞。三年不習爲樂。樂一定崩頽。人事恐難久廢。舊食的穀既沒盡。新食的穀既升起。錯以取火的燧。改了用木的火氣。運又已盡。更只是期年。實好砍得了。夫子說期年外。你便去喫了稻梁。穿了錦綺。於你心下安穩麼。答說安穩。夫子說你心下果安穩。便聽你去做他。夫君子的居喪。喫着美味不甘美。聽着聲樂不快樂。凡所居處都不安穩。故不做那食稻衣錦的事也。今你心下果安穩。便聽你去做他。宰我出。夫子說。

子之忍心不仁也。你道三年長久人子生了三年方纔免於父
母的懷抱。夫三年的喪正爲報三年懷抱。乃天下通行的喪制
也。子也心下思忖。也曾有三年懷抱的恩愛。於他父母麼。怎的
這等忍得過。

商

子曰飽食終日無所用心難矣哉。不有博奕者乎。爲之猶賢乎已。
○邢疏曰博局戲六箸十二棋也。圍棋謂之奕。

酒飽食既無治生之經營。終日又非時候之急遽。正好用心。乃
反不用無所者。沒個用心所在也。已訓止博奕者。耗神蕩志。妨
功廢事。並不肖者之事。夫子豈欲人爲此。乃甚言心不可無用。

而故借此以痛抑之。

〔演〕天子說飽喫了飯。到終日長久。並沒個所在用他的心。把空閒日子都虛度了。這樣人怎麼使得。難矣哉。世間不有博奕的人麼。做那等極沒要緊事。他也有個用心所在。還好過連博奕都歇了的。

〔商〕

子路曰。君子尚勇乎。子曰。君子義以爲上。君子有勇而無義爲亂。小人無勇而無義爲盜。

〔測〕尚與上音同。義別而意實相承。以此爲上等。必尊尚之矣。義只論事理之宜。能屈能伸。乃所以善其勇者。此君子小人以分。

言

〔注〕子路說君子也。尊尚勇力麼。夫子說君子只是合宜的義。把來做最上一等。若有位君子。有勇沒義。便要使他做犯上的亂。無位小人有勇沒義。便要行兇。做劫人的盜。勇怎麼尚得。

〔商〕

子貢曰。君子亦有惡乎。子曰。有惡。惡稱人之惡者。惡居下流而汕上者。惡勇而無禮者。惡果敢而窒者。曰。賜也。亦有惡乎。惡微以為知者。惡不孫以為勇者。惡計以為直者。說文宣寒也。註疏微抄也。此人之意以為已有計。謂攻發人之隱私。說文面相。片罪告計也。

〔測〕夫子之惡。是理不該如此。而倒如此。故多用而字。乃相反之。

辭也。賜之惡，是事本不如此，而冒以爲如此，故都用以爲字，乃做造之辭也。稱者，稱讚。人有惡，應該諫止，倒反稱讚，哄弄他爲惡。下流，乃汙下的流派。上乃上達者，以人品言，訕則忌其形已而謗訕之也。窒是窒塞，不得通達。微訓抄是掠取之意，將他人意思掠取來作爲我的孫，是遜順。許是當面攻發人隱情。

演子貢問說：君子愛人，亦曾有憎惡麼？夫子說：有憎惡。惡那見惡不止，倒稱讚人之惡的惡。那身居汙下的流派，該得自愧，倒謗訕上達的惡。那有勇力，該得持正，倒無禮胡行的惡。那果決敢爲，該得直達，倒窒塞不通的。這都悖理反常，可惡他。夫子問說：賜也，你亦有憎惡麼？對說：惡那掠取人意，本不是知把常做

知的惡那不孫順本不是勇把當做勇的惡那面斥人認本不是直把當做直的這都假托亂真可惡他

商洪如壁間稱讚人惡以爲美似非人情舊解謂不隱惡而揚惡亦自可惡答曰不必遠舉只今朋友間好行小慧損人害物而互相哄誘者種種也安得謂無稱讚人惡者且稱字不作稱讚畢竟於字義訓不去

子曰唯女子與小人爲難養也近之則不孫遠之則怨

淵此專爲小人發而女子特以相形故兩項不並舉中間加一與字蓋陰柔之性彼此正同易以女壯比小人亦卽此意養謂畜養此必情分有關而不容棄絕如嫂之在體只得要養着他

不遜。或言笑間褻狎我。或竊我之權。以爲鼓弄。都是些有不遜與怨。故遠近皆難。而爲難養。

〔演〕夫子說。惟獨女子與那小人。一樣爲難畜養也。親近了他。便狎恩不遜順。離遠了他。便挾仇爲怨恨。須要處得停當。

〔商〕

子曰。年四十而見惡焉。其終也已。

〔測〕見惡。是必有惡行。與四十無聞有別。

〔演〕夫子說。年歲到四十。正是人品定時。却還見憎惡焉。料他難得追改。到底是這樣了。

〔商〕

微子第十八

微子去之箕子爲之奴比干諫而死孔子曰殷有三仁焉○何註

二國名子爵也微子紂之庶兄箕子比干紂之諸父○昔紂殺于
若曰失師少師其弗或亂正四方我祖底遂陳于上我用沈酗
于酒弗亂厥德于下殷罔不小大好草竊姦宄卿士師師非度
凡有辜罪乃罔直是小民方興相爲敵讐今殷其淪喪若湯大木
其無津源遂喪越至于今日父師少師我其發出狂吾家老遜
于荒今爾無庸告予願降若之何其父師若曰王子天降喪於
殷用方與爾相于酒乃罔畏弗畏其耆長舊有位人今殷民乃攘
竊神祇之犧牲用以客將食無災降殷民用又譬彼名敵讐
不怠罪合于一多瘠同詒商今其有災我興受其政商其淪喪我
罔爲之僕紂王于出迪我舊云刻子王子弗出我乃殛降自圜人
自是于先王我不顧行逆○史記周武王東伐至孟津諸侯與殷
會周者八百諸侯皆曰紂可伐矣武王曰爾未知天命乃復歸紂
念紂亂不止故于數諫不聽乃與太史謀遂去比干曰爲人臣者
不得不以死爭死而強諫紂怨曰吾聞聖人心有七竅剖比干而
其心箕子懼乃作狂爲奴紂又囚之

〔測〕三子遇暴君而無可爲計。不忍宗社之淪亡。生民之塗炭。故或去或奴。或諫死。各行其志。當時必有以所行不同。低昂其間者。故夫子總斷之曰。殷有三仁。蓋不以事論。而直揆其不忍之心也。註疏謂稱仁。以其憂亂寧民。最說得是。

〔演〕殷紂無道。微子避位去了。箕子裝狂。做了奴。比干進諫。被剖心而死。孔子說。這行事雖不同。都爲不忍民社傾危。殷有三個仁德焉。

〔商〕但宗臯問微子。抱祭器歸周。說者皆以爲存宗祀。果否。答曰。左傳逢伯對楚子云。昔武王克商。微子面縛。啣璧以見。武王親釋其縛。受其璧。禮而命之。觀此。則微子歸周。乃在武王克商時。

此所謂去特去其位而遜于野。卽微子所云。吾家耄遜于荒者。時方慮國破家亡。身之不保。何知武王復封于宋而不斬其先王宗祀哉。後人見微子去。便要爲他討個好題目做。以當時事勢度之。恐未必有此念也。孫儀曰。微子之去。既不爲存宗祀。則當以生死殉社稷。何爲不諫。曰。微子爲帝乙長子。箕子向曾勸帝乙立微子。微子若諫。紂必生疑。觀箕子云。詔王子出廵。我舊云。刻子則明教以遠嫌去位。蓋無益于事。徒殺其身。卽仁者不爲也。又史稱微子數諫不聽。則當時亦未必不諫。但不苦諫耳。但宗傳曰。然則箕子何爲不諫。曰。史記紂爲象箸。箕子諫不聽。則箕子亦非不諫者。偶有此干瀆心之事。遂以佯狂被囚。旣囚。

且奴則不復能再諫矣。○羅代龍問微子封於宋存宗祀也。若箕子受封朝鮮。所爲者何。先儒解之。謂封於朝鮮而不臣。夫既已封王土。豈得不爲王臣。方之不事二君者。果何如。答日記云。謀人之軍師。敗則死之。謀人之邦邑。危則亡之。當時微子去箕子爲奴。則國事絕不與謀矣。身既降爲氓隸。而周復封之。自與立人本朝。納款推戴者。天淵不同。且觀書稱惟十有三祀。王訪于箕子。祀乃殷時年號。則新天子之正朔。尚不敢頒及于彼。其爲優禮可知。二子雖受周封。而無損於仁。疑或以此之故歟。柳下惠爲士師。三黜人曰。子未可以去乎。曰。直道而事人焉往而不三黜。枉道而事人何必去父母之邦。

〔測〕柳下惠之言甚婉轉而其意則謂直道難行于天下要去也沒處去何若依栖於宗國情詞殊覺楚楚

〔演〕柳下惠做魯管刑的士師三次被黜了職人對他說子到如今還未好捨魯他去麼柳下惠說這不關去不去事只是直遂了道事人那裡去不被三黜若是枉屈了道事人又何必遠去父母的邦魯不是要黜我還是我不肯易的直道自要討黜

〔商〕

齊景公待孔子曰若季氏則吾不能以季孟之間待之曰吾老矣不能用也孔子行

○何註曰魯三卿季氏爲上卿景公欲以尼谿田封孔子卿不用事○史記齊景公欲以尼谿田封孔子

晏嬰進曰夫儒者滑稽而不可軌法儒做自順不可以爲下宗喪遂求破產厚葬不可以爲然滑稽充貨不可以爲國自大賢之息

周室既衰禮樂缺有間今孔子盛容飾繁登降之禮越詳之節累世不能殫其學當年不能究其禮君欲用之以移齊俗非所以先細民也後景公敬見孔子不問其禮異日景公止孔子曰夫子以季氏吾不能以季孟之間待之齊大夫欲害孔子孔子聞之景公曰吾老矣弗能用也孔子遂行反乎魯

淵景公卽以季孟之間待孔子亦不爲不厚但又說不能用故孔子行蓋孔子去就總不在禮遇之隆而在道之行否也

演齊景公酌量待孔子說像魯君待季氏則禮覺太厚我不能爲把待季氏孟氏兩個中間攪和來待他又說孔子的道一時做不盡我它是年老了恐難等待不能用他也孔子因說不用遂舍齊行去

西

論語湖南講

齊人歸女樂季桓子受之

孔子行

○何註曰桓子季孫

四年孔子年五十六由

於是誅魯大夫亂政者

少正卯與聞國政三月齊服者弗降男女行者別於塗塗不

拾遺四方之客至於邑者不求有司皆子之以歸齊人聞而懼曰

孔子為政必霸霸則吾地近我之併矣盡致地焉犁鋤曰請

先嘗沮之沮之不可則殺之也齊國中女子好者八

十人皆衣文衣而舞康樂文馬三十匹遺之君陳女樂文馬於魯

城南高門外季桓子與魯君往觀終日息於政事子路曰夫子可

以行矣孔子曰魯今且郊如致膳於大夫則吾猶可止桓子卒受

齊女樂三日不聽政郊又不致膳桓子於大夫孔子遂行宿乎屯而

師已送之孔子歌曰彼嬖之口可以出山走彼嬖之謁可以死敗蓋

優哉游哉維以卒歲師已反桓子曰孔子亦何言師已以實告桓

子用然嘆曰夫子罪我以羣婢故也夫孔子遂適衛

男女樂亦是魯君受之獨指季桓子者權在季氏公不能自主

也君相耽於晏樂便必不能行孔子的道故孔子行

商汪從憲問夫子之去只為道不行乃其歌云彼婦之口可以

出走覺有畏讒之意何故答曰齊人歸女樂原爲要讒朋夫子則此意似亦不無

楚狂接輿歌而過孔子曰鳳兮鳳兮何德之衰往者不可諫來者猶可追已而已而今之從政者殆而孔子下欲與之言趨而辟之

不得與之言

○高士傳曰陸通字接山吳楚人也好養性躬耕以爲食見楚政無常乃佯狂不仕時人謂之楚狂楚王聞

陸通賢達使持金百鎰車馬二駟往聘曰請先生治江南通笑而不應於是夫負釜甑妻戴絰器變名且姓游諸名山

測鳳於舜文時一再至是聖王之瑞故以非時而見爲德衰接輿既欲諷夫子隱則夫子與言之意亦必欲諷之仕彼此各伸其意者

演楚有假裝顛狂名接輿的詠歌過孔子車前說治徵的鳳兮

治微的鳳兮。何故非時不見的德。這等下衰已往的。不可諫止。現來的猶可追改罷了罷了。如今從政的多不免禍。都危殆了。還出來做甚。孔子聽了他歌。下車來。要把出處的道理與他講話。他曉得夫子意思。急走避了。不得與他講話。

商

長沮桀溺耦而耕。孔子過之。使子路問津焉。長沮曰。夫執輿者爲誰。子路曰。爲孔丘。曰。是魯孔丘與。曰。是也。曰。是知津矣。問於桀溺。桀溺曰。子爲誰。曰。爲仲由。曰。是魯孔丘之徒與。對曰。然。曰。滔滔者天下皆是也。而誰以易之。且而與其從辟人之士也。豈若從辟世之士哉。授而不輟。子路行以告。夫子憮然曰。鳥獸不可與同羣。吾

非斯人之徒與而誰與天下有道丘不與易也

○何註曰長世然
溺隱者津濟渡處

粉糞和也較止也

測執輿卽執轡。本子路爲御因問津而夫子代之滔滔如水之
流去不可挽回也。避人是此處不好避之他去避世則盡一世
皆避矣與其者非全議其非能得避人棄暗投明亦自好。但與
其爲彼還不如爲此以歸重避世之意。憮然因彼欲棄世而動
我低徊不忍之感。烏獸不可羣而非斯人無與則世何能避天
下有道不與易是易之正以其滔滔矣夫子仁天下之心讀此
數語最爲淒婉。

演長沮桀溺兩人相耦耕田。孔子經過其處偶迷了路使子路

就他問過渡的津焉。長沮說：夫執轡在輿的爲那個？子路說：爲孔丘。長沮說：就是那魯國的孔丘麼？子路說：端的是也。長沮說：原來是這慣走路的人，一定曉得津了。子路只得又問：桀、溺、桀、溺說：子爲那個？子路說：爲仲由。桀、溺說：便是那魯孔丘的徒弟麼？子路對說：果然桀、溺說：滔滔下流的，遍天下都是這等那個。把你變易之，且你與其跟着避人的士，擇王、奔、波也，怎比得跟着避世的士，獨居自樂哉？只是耨種不輟手。子路行來，把這說話告與夫子。夫子憮然傷感說：避了世人，只有鳥獸。鳥獸勢不可與他同做一羣。我不是這些人的黨類。相與，却從那個相與？正爲滔滔要去易他，若是天下有道，丘也安享太平，不與他變易。

也。

商

管東漢曰。夫子以聖德當亂世。每多傷感之言。然其平日最苦心處。則見於此章。雖然。數語。蓋當是時。上無可恃之帝王。下無可倚之方伯。宗國既亡。女樂盡去。列國又以伐木削迹而窮。憤世者將棄斯人。為無可與言。與鳥獸同羣而已矣。鮮若深山不辭與鹿豕遊。蓋自有亮在。上不必起易世之思也。天將以夫子為木鐸。則易世之責安辭。欲易無道之世。則非人之徒與而誰與其心亦最苦矣。至於易世之志窮。而後思以斯文待後死者。則又以萬世之人羣為與也。

子路從而後遇丈人以杖荷篠。子路問曰。子見夫子乎。丈人曰。四體不動。五穀不分。孰為夫子。植其杖而芸。子路拱而立。止。子路宿殺鷄為黍而食之。見其二子焉。明日。子路行以告。子曰。隱者也。使子路反見之。至則行矣。子路曰。不仕無義。長幼之節不可廢也。君

臣之義如之何其廢之欲潔其身而亂大倫君子之仕也行其義也道之不行已知之矣

食如字讀○註疏曰蘇竹器芸田器也除草曰芸

測丈人之責子路謂其不務農業而求仕遠遊子路平日聞浮海則喜原不以隱爲非者故一聞丈人之言亦道他有理默然無言而拱立丈人止子路宿分明示以田間鷄黍室家之樂未爲無意其見二子本非爲長幼之節但夫子欲就其事而挑動之故執此爲難端耳不仕無義者惟一人總理于上衆人分理于下方能使天下安居樂業各保其室家而共成世界若只聽一人孤立大家皆隱遁去則治理無人亂且立見卽山林亦豈能以獨樂哉故君令臣共乃天下古今之通義不曰行道而曰

行義者道猶可卷而懷之。義則必無所逃于天地也。仕所關之大如此。豈容爲一身而傲然高不仕之潔。然齊不用則行。簪受女樂則又行。必不肯貶道以相徇。則潔身之義。原未嘗有少失也。

演子路跟隨夫子。遺失在後。撞見一個年老丈人。把杖挑着芸田竹篠。子路問說。你在這裡。曾看見我夫子過去麼。丈人說。你這人只去沒來。繇閑走。四體不勤勞。五穀不分辨。知道那一個爲你夫子。徑撇了子路。自去植立其杖而芸苗。子路聽了。默然自失。拱手站立着。丈人因畱住子路。到家歇宿。殺鷄做飯。請他吃。相見他二子焉。過了一夜。明日子路行來。把這行徑告夫子。

夫子說這是有德不仕的隱者也。使子路回轉去見他。走到那
裡。丈人已先行避過了。子路就對他家裡說。不出去爲仕。便沒
了君臣分義。長幼的禮節。你也曉得不可廢棄也。君臣的分義。
爲甚麼倒廢棄之。你的意思。不過恐濁世汙辱。要乾淨自家一
個身子。到紊亂了君臣莫大的倫理。這怎知道君子心腸。君子
的仕也。非無益好芳。單爲要行君臣的分義也。若道之不行。何
須你說。我早已曉得了。

商賈慤廉問。夫子告沮溺丈人。何以所言各異。其意義亦相同。
否答曰。不同。非斯人誰與。是謂萬物一體之仁。從他避世發論。
故就濟世一邊說。潔身亂倫。是謂綱常千古之義。從他見二子。

發論故就事君一邊說同一爲仕有此兩種大道理

逸民伯夷叔齊虞仲夷逸朱張柳下惠少連降志辱身矣言中倫行中慮其
其身伯夷叔齊與謂柳下惠少連降志辱身矣言中倫行中慮其
斯而已矣謂虞仲夷逸隱居放言身中清廢中惟我則異於是無
可無不可○按左傳稱泰伯虞仲太王之昭則虞仲是太王之子
卒仲雍立○薛氏云夷氏逸名夷詭諸之裔也族人夷仲年爲齊
大夫夷射姑爲邾大夫獨逸隱居不仕或勸之逸曰吾嘗則牛也
寧服輓以耕於野豈忍被緇入廟而爲犧乎○註疏曰朱張字子
弓荀卿以比孔子荀卿云彼大儒者雖隱于窮閭漏屋而王公不
能與之爭名其言有類其行有禮其舉事無悔其持險應變曲當
與時遷徙其道一也其窮也俗儒笑之其通也英傑化之通則一
天下窮則獨立貴名祭足之世不能汚仲尼子弓是也○家語子
貢問曰聞諸晏子少連大連善居喪其有異稱乎孔子曰父母之
喪三日不怠三月不解期悲哀三年憂東夷之子達於禮者也

測逸民。註疏謂節行超逸，是其人脫然物外而不爲世網所羈繫者。必古有此稱，而夫子因爲之評論。伯夷、叔齊因父一言，兄弟遜國。至武王伐紂，寧甘採薇而餓死，其不降不辱可知。盟於心爲志，見於行爲身。非有兩意，慄下惠三黜不去，已是降辱然觀其斟酌於去就枉直之間，發言和平而行事詳審，是乃中倫。中慮者，少連稱善于居喪，其言行亦必與下惠同。中倫者，言有當於次第而不躁率。中慮者，行有當於自己思慮而不鹵莽也。其斯而已矣。謂他的好處專在這個所在。夷逸固隱而不仕，虞仲卽仲雍。其後雖爲勾吳長，初時採藥荆蠻則隱之時居多。而其言亦必放浪。因兄泰伯去國，卽與偕隱，能不爲爵祿所繫，是

身中清斷髮文身以自廢不耕乎父志是廢中權無可無不可語雖渾融然頂上異於是來專指著逸民之行說蓋諸人或避世或混世行事固不盡同總因不得乎時而以超世爲念者執定一格故成其爲逸若夫子道大莫容所如不合迹若有類於逸其實下其身以爲天下並無超世之念無可者不以其行事爲可也無不可者不以其行事爲不可也不執死法是乃所以異彼者此必因目擊沮溺丈人之流感懷千古故引逸民以發論謂自古高人不乏卓行可風但我不定要去學他做超世的事記者記此於沮溺丈人之後疑非漫然無謂也

演稱做逸民超脫在世俗外的有伯夷叔齊虞仲夷逸朱張柳

下惠少連。夫子因斷他說。不降屈他的志向。不污辱他的身子。志行最高。是伯夷。齊與。又說那柳下惠少連。已是降志辱身了。却言語合着倫序。行事合着思慮。他的好處。只在這所在罷了。又說虞仲夷逸。隱遁居處。放浪語言。未必中應中倫。却身子合着清潔。廢棄合着權宜。他們都執定個超逸的法則。我則異於他們。沒有那樣使得。沒有那樣使不得。

商姚元凱問。夫子之異逸民。其所處原自不同。若使夫子處數子之遇。不識如何作用。答曰。若使夫子爲夷齊。必佐武王制禮作樂。以定太平。爲虞仲。則逃與不逃。未可知。決不至斷髮文身。柳下惠與夫子同時。而惠不去父母之邦。夫子則周流列國。卽

夫子處數子之地亦未便如數子所爲然既云無可無不可則所異者乃異其有可有不可而非必定異其事也○郭凝之問中慮舊謂中他人思慮今何獨主自己說李玉柱曰柳下惠胸中不可一世那肯顧人的思慮若必求中人反要俯徇人情被他牽絆了答曰怎便說人的慮不當中但以本文原無人字恐費增添故不用耳

大師擊適齊亞飯干適楚三飯緯適蔡四飯缺適秦鼓方叔入於

河播鼗武入於漢少師陽擊磬襄入於海

○那疏曰大師樂官之長亞次也諸侯每食奏

樂各有樂師鼓擊鼓者播鼗也鼗如鼓而小有兩耳持其柄搯之旁耳還自擊擊干緯缺方叔武陽襄皆名河者河內漢者漢中海者海內也

則去此之彼爲適是避地者一往不出爲入是避世者此必因
夫子正樂而伶官皆識三桓之僭故各遠去以避亂

商

周公謂魯公曰君子不施其親不使大臣怨乎不以故舊無大故
則不棄也無求備於一人

○何註曰魯公周公之子伯禽封於魯
○周禮疏作施王篇去離也

則此伯禽就國周公飭遣之辭施作弛乃離解而不相繫屬不
施者相收相恤聯以宗盟之誼也大臣錄效用歷試必有可倚
任者不用則大臣爲虛位而國是無所主持故不使他怨我不
用故舊或有功或有德于我大故如叛逆之類重大的緣繇不
棄者但錄其身與以爵位不必定任川之也一人之身才具難

兼凡有一長卽宜取用故不可求其全備

演周公教舉公說君子治國不弛去那同宗的親族不使有位望的大臣怨不以用故舊有恩德於我的沒重大緣故不可拋棄也用人隨他的長無求全備於一人身上

商李浩問李氏謂四者皆忠厚之至是否答曰忠厚二字於不施親不廢故誠說得去至於大臣不稱其任方且爲之議去若說存忠厚而亦使彼不怨用人之際不擇其能而漫云無求備如此姑息可乎曰然則以何字易之曰凡書中數語錯出各自有意不宜強合如必欲以一二字括之當以樹人立論何以見得百足之虫至死不僵以扶之者衆也周家大封同姓正所以

廣我藩屏在天下如此。一國可知。故舊是世臣。與我同休戚。比
邇朝臣。暮去者不同。保全得他。亦足以爲之扞衛。若大臣之不
怨。不以用人之無求備。其爲樹人。又所易見者矣。○周之倖問
大臣。定是以道事君的。如何。因不以便。至於怨。答曰。大臣以安
社稷爲悅。則焉得不以不安社稷爲愁。旣使忠肝義膽。毫無用
處。怎禁得不嗟嘆。這怨字。正與舜怨慕之怨相同。

周有八士。伯達。伯适。仲突。仲忽。叔夜。叔夏。季隨。季騶。

○按人物考。八士。南宮氏。

文王時。皆爲虞官。國語云。文王詢於入虞。汲冢周書克殷解云。乃
南宮伯達。伯适。伯達。尚書有南宮适。伯适。也是八士。乃文武時人。

測。周才不止八士。但以其產於一家。則爲希有。此文武時人說。

者蓋追慕周初人才之盛也。

商

子張第十九

子張曰士見危致命見得思義祭思敬喪思哀其可已矣

測命卽死生有命之命致命獨不言思者得祭喪猶可從容詳審危則惟當直前赴之不必更加顧慮也其字指上爲士的人可已者卽此已勾不必更求其他乃歸重於大節不虧之意。演子張說爲士的大節最要緊若看見危難捨致了生命看見有得思想着義理祭祀思想着恭敬喪事思想着哀痛他有這幾樣便不虧了爲士的品也好欺得了。

商

子張曰執德不弘信道不篤焉能爲有焉能爲亡

測德具在吾身非大心包攝未免遺漏故執之須弘道流行宇宙非深心信向不能力求故信之須篤惟德能凝道語雖各別意只一事也弘且篤者方於道德賴以振張賴以肩荷有之足爲道德重無之足爲道德憂若不弘不篤半上半落的雖彼自謂道德中人其實有無絕沒些關係爲有爲無卽承上道德不必又推到世道上

演子張說執持所得的德不弘大信向所趨的道不篤至這樣人他也把道德自任其實看來便有他怎能爲道德的有便無

他怎能爲道德的亡。枉自執德信道一場。

商吳應旻問。有亡舊在世道重輕上看。今何以從道德說。答曰。根上道德來。方直接得着。在世道上。又添出話來。然道德之重輕。亦卽世道之重輕。但不說及耳。曰。造詣未到究竟處。算不得弘篤。卽不弘不篤。亦非全無所造者。何爲不關有亡。曰。此正不必說到究竟處。只看發心時。發心果局面大志氣專。有此一人。便可爲道德倚賴。若局促浮游的。到底成不得事。

子夏之門人問交於子張。子張曰。子夏云何。對曰。子夏曰。可者與之。其不可者拒之。子張曰。異乎。吾所聞君子尊賢而容衆。嘉善而矜不能。我之大賢與。於人何所不容。我之不賢與人將拒我如之。

何其拒人也

〔測〕世間人原有數等。賢是人品已成。善亦一長足錄。皆在好一
邊。是可者衆。乃庸衆不能。則才力不逮。皆是尋常人。在不可
之間。若不可。畢竟他人品心術有所未端。不可與他交得的。子
張不深會子夏之意。而但自伸其說。若善用之。則如註疏曰。友
交當如子夏。汎交當如子張。二賢之言。俱無弊病。君子尊賢二
句。是述所聞。我之大賢與。以下。是辨拒人之非。

〔演〕子夏的門人問與人相交。於子張。子張說。子夏說些甚麼。對
說。子夏說。交人不要混帳。好相交的。交與他。那不好相交的。拒
絕他。子張說。這話異乎我所聞。我問的君子尊奉那出衆的賢。

者而又包容衆人嘉獎那有能的善者而又矜恤那不能的人並不聞有拒他的我若果是大賢與於人自能化誨那個所在不容受我若是不賢與依了拒人的說人方將要拒絕我怎的我到去拒絕人也拒人那一處去得

商

子夏曰雖小道必有可觀者焉致遠恐泥是以君子不爲也

測春秋時九流百家爭鳴凡道術之出於旁門而不軌正大者卽爲小道此亦必有一段精神一種作用非絕無可觀者致遠是以前道推而致遠如搏掄天地陶鑄民物印證前聖後聖泥則如塗泥之陷物而不能前進所以不爲彼而爲此也夫子常

戒子夏爲小人儒。今所言如此。必已進於君子。而學務其大矣。
〔演〕子夏說雖旁門的小道。必定有一長精到。好觀看的所在。難道全說他不是。但推致到天地古今的遠處。恐怕窒泥難通。恁好倚靠得他。爲這緣故。所以君子不做也。

一商

子夏曰。日知其所亡。月無忘其所能。可謂好學也已矣。

〔測〕好學者。惟日孜孜。重在日月字上。每日每月俱如此也。知本在吾心。而不觸則不發。若所本亡者。故要日還。知其所亡。已知的。卽是能。每月總計。又常常在心。不遺忘了。日知。或藉見聞觸發。自心而月無忘。則止從自心溫養。如拳拳服膺者。逐日逐逐。

日工夫逐月有逐月工夫無一時肯虛度故謂之好學

顏子夏說日月最容易蹉跎若每日零星能知識那所未知的每月總算又將前能知的溫養不遺忘那所已能的這等時刻不放寬念念在學好道他是好學的了

商吳士魁問日知何謂必藉見聞答曰若自心叅提則須積久而一朝頓悟未必日日有知惟日知故料其必以聞見啓心知者也邢士俊曰如此則終非徹悟之學有何益處曰月無忘而溫養之久則亦必有豁然大悟時在中人以下用學知功夫的只得如此劉紹耀曰一說亡字卽如字讀乃舍則亡之亡謂求放心也何如曰如此當云日求其所亡不謂日知其所亡了此

一字兩訓。各隨文義。若必欲如字。則焉能爲有焉。能爲亡。既對有言。豈亦不作無字讀。

子夏曰。博學而篤志。切問而近思。仁在其中矣。

訓博學無所不學。取之極廣。篤志則又志向懇到。不使少涉於浮泛。切問如刀切物。剖析開來。辨之極深。近思則又思想傍着貼緊處。不使少涉於幽渺。仁之體段。必吾心與宇宙會爲一源。今博學切問。則廣收之宇宙。卽是博文篤志近思。又約返之吾心。卽是約禮。此正求仁之方。但以其方用功夫。而未証本體。故僅以在中爲言。

子夏說廣博以爲學。而又懇篤其志向。深切以爲問。而又貼

近其思想。做這等博收約取功夫。雖不便是本體的仁。却也不出這裡面了。

商章物采問。思謂何要近。答曰。人之一心。原包乎宇宙。近思非叫他放在腔子裡。但看於道理上何如。傍乎理。雖索之六合之外。亦是爲近。離乎理。雖求之耳目之前。亦是爲遠。○徐時泰問。仁在其中。與祿在其中。直在其中。文法一樣。俱是意本不在此。而反得此之謂。若仁則所學何事。而亦可言意本不在此也。答曰。爲仁可着意的是功夫。不可着意的是得手。倘一取必在此。卽與先難後獲之旨相背。故此亦着意不得。

子夏曰。百工居肆以成其事。君子學以致其道。

〔測〕百工居肆。未有不成就器具。成其所事的。君子爲學。例反優游玩愒。或自畫。或願息。未必能推致其道。是謀道不如謀食的。精專了。故並舉以相形。謂居肆必須成事。爲學必須致道。庶功夫不爲閑用。乃責成君子之意。肆。造作處。致道者。盡道之量。而無欠缺也。

〔演〕子夏說。百工居在肆內。不是打哄。乃以成就他所做的事。君子爲學。不是虛勞。乃以推致他所造的道。謀食謀道。一般樣要有成驗的。

〔商〕

子夏曰。小人之過也。必文。

○測文是修飾。乃好字而在他處。少不得。獨于過上。不可有益人之過。任他醜陋。暴露在人目前。人可指摘。我亦可改圖。若加以脩飾。使外面掩蓋得週全。便將過藏匿在內。而不可救藥矣。此小人之所以爲小人。

○演子夏說。小人的過誤也。不聽他顯露。必定加上文飾。不好的。倒裝成個好模樣。

○商

子夏曰。君子有三變。望之儼然。卽之也溫。聽其言也厲。○朱註曰。儼然者貌之莊溫者色之和厲者詞之確

○測三變在望之。卽之聽之處。見君子原非有變者。

演子夏說君子氣象有三樣變更。遠遠瞻望着他。儀度儼然可畏。及就近卽之也。却又顏色溫和。聽他的言語也。却又辭旨嚴厲。把一端盡他不得。

商

子夏曰君子信而後勞其民。未信則以爲厲已也。信而後諫。未信則以爲謗已也。

測兩信處。不但我施信於他。亦要他信得我過。真知我之勞與諫。乃出於忠愛一念。有萬不得已者。而非好事也。未信則不免以爲厲。且謗故事使之際。必以至誠動物爲先。

演子夏說君子與民相信已。諒我要追他。方纔去勞役其民。若

未曾相信先勞。民便道是暴厲已也。與吾相信已。諒我要忠他。方纔去諫諍。若未曾相信先諫。君便道是諛。已也。信最是事。使的先着。

商凌吉微問。信字謂要他信得我過。恐難強得。且又多添一轉。答曰。若除去他信我邊。單就我說。則下文未信。以爲厲已。還是那個道我厲。

子夏曰。大德不踰閑。小德出入可也。

淵大德是德行之大端。小德卽大德中之細目。閑如以木闌遮。防人出入也。子夏豈忽小德者。特故抑之以歸重大德。蓋道理雖要完全。而功夫却難並進。若功夫太周匝。反不能得力。故持

論不得不偏重一邊

○子夏說德行要識重輕重大的德若不喻出在防閑外細小的德便于閑內有些出入亦使得也

○商

子游曰子夏之門人小子當洒掃應對進退則可矣抑末也本之則無如之何子夏聞之曰噫言游過矣君子之道孰先傳焉孰後倦焉譬諸草木區以別矣君子之道焉可誣也有始有卒者其惟聖人乎

○測可當洒掃應對進退謂嫻于威儀言辭非專做洒掃等事本是根本在心性上功夫君子之道是君子教人方法傳謂傳以

木。倦謂緩于傳孰先孰後孰字。指著受教的人。方于譬諸草木。直接得下區。如田之一區兩區。草木種類不同。難以並植。須爲區界以別之。學者根器不同。亦須辨其孰當先孰當後。若不審其力量所至。而強以不能。是平白地冤枉了他。故謂之誣。有始有卒者。起頭與究竟。一時了手。此惟聖人爲能。何可望之小子。二賢皆列于文學之科。子游豈獨廢乎末。蓋欲舉本末並傳。是卽一貫之旨。而子夏之不遽傳以本者。或當時門人盡屬中材。未可語上。亦是循序之法。子游之言。可接上根人。子夏之言。可接下根人。兩說俱當並用者也。

演子游說。子夏的門人小子。只當着洒掃應對進退。便都成個

模樣儘好了。抑此是末節也。纔到根本處便沒有。怎麼使得。子夏聞得了說。噫。言游過當了。君子教人的方法。于那個要當先傳授焉。于那個要向後倦怠焉。只因他譬如草木。種類不同。各爲區界。以分別矣。君子教人的方法。亦當因材以篤焉。可把力量未到的。去誣罔他。也有起頭有結果。一時便了的。如何可責得小子。其唯獨是一貫的聖人乎。

〔商〕徐元朗問。程子謂洒掃應對與精義入神貫通。只一理。二子岐本末爲二。未免分析。答曰。程子之言。誠說得圓通。但在能精義入神的便曉得洒掃應對不離這個。若未能精義入神的。教他向洒掃應對處理會。如何辨得。蓋設教與論理不同。論理儘

可圓通而設教必有等級。若不論設教之方，而但暢圓通之旨，則夫子教人何以有可語上不可語上之分乎？游夏所見恐未便不及此也。

子夏曰：仕而優則學，學而優則仕。

「測」仕是治人，乃行治己的學問。學是治己，乃求治人的方法。優者，所事已克足而力尚有餘也。仕學本一理相因。若一味治人，有空閑力量，不去身心上整理，雖做得些事業，本原畢竟有虧。此一類人，管晏是也。若一味治己，便學問空閑，不去見之作用，雖自己身心有得，不過成個自了漢。此一類人，蘄簣接輿是也。故仕優便學，學優便仕。二者不可偏廢。兩則字語氣最緊。

演子夏說爲仕的原爲行所學的道有優餘處便去爲學爲學的原爲明所仕的理有優餘處便去爲仕兩下不可偏向了一邊。

商汪調鼎問。一說側重在學邊。似得夫子重學輕祿之旨。答曰。若側在學邊。兩則字須各一口氣。如何相打得轉。只爲世人貪慕富貴。將仕做壞。故持論者必重學輕祿以立提防。若孔門所論之仕。原是行義。便仕學並重何妨。程純佑曰。仕學語氣因無低昂。但兩優字終覺有別。仕之優止是一時有餘力卽學。學之優必是全功有餘力。方仕曰。固亦是。但如使漆雕開仕。及言由賜求可從政。似未必全功有餘。恐亦難盡拘也。

子游曰喪致乎哀而止。

淵子游平日素考定喪禮。而此獨偏言哀者。亦是重本輕末之意。

商。子游說喪事何用多儀。只是致極乎哀痛而就止。

子游曰吾友張也爲難能也。然而未仁。

淵仁之體段極高廣。其樞紐處極精實。爲難能。正是子張爲仁處。他在仁的體段上。恢擴亦不易能。但不返歸精實。故以未仁規之。未者。謂及約之有待。而非直絕之也。

淵子游說我的朋友子張也。他學問高廣。出人頭地。爲難能也。

然而欠了友約未得爲仁

商

曾子曰堂堂乎張也難與並爲仁矣

淵堂堂卽升堂之堂此言其造詣之高廣正是仁的氣象難與並爲仁謂只好他是這等做人學他不得故難與一同爲仁此褒許之中微寓刺意蓋亦欲以友約規之耳

演曾子說堂堂乎高廣的子張也他規模果好只是人學不得樣難與他一同去爲仁了

商唐時問舊說謂子張務外自高觀其思敬思哀信道求篤此言恐未必然答曰是務外自高乃一弄虛頭妄人耳何以爲

能何以爲堂堂且夫子教人必因病發藥若果務外正當教之
近裡功夫何于其問仁反告以行五者于天下此必其材品宏
邁允爲大受之器故以仁之全體挈付之但其局面固好而於
克復處或未精密於是朋友間復相爲規切亦欲因其長而成
就之焉可因一二貶語遂併其所褒者俱一槩抹殺也

管束改曰子張問仁夫子進以恭寬信敏惠之德其論友道則
于人何所不容實之述仁可知矣子游獨謂其未仁而曾子又
謂其難並爲仁何也曰子張有善人之體段而心欠密自聖人
之光輝而用欠藏動多于靜而用過其體者也。在夫子則以仁
帥之而顏子子貢則以仁友之矣子游重本曾子守約皆謹嚴
之學也而曾子尤爲精密與于張之闕大正相反故不能與之
並而爲仁然子張嘗強曾子事有若亦豈好高而不可輔者必
有與之並爲仁者焉特不可與曾子並爲耳

曾子曰吾聞諸夫子人未有自致者也必也親喪乎

測凡人用情常是放寬一着所謂偷心者自致則把念頭致竭無餘必也親喪乎爲猜度之辭以省動世人令他卽此自反演曾子說我曾聽得夫子道來人情大率要畱着些未有肯把自己的情致盡者也必也或是親喪麼難道這等事還有不自致的

問

曾子曰吾聞諸夫子孟莊子之孝也其他可能也其不改父之臣與父之政是難能也○何謂不改父之臣與父之政

測其他凡生事死葬皆是人子豈欲改父之臣與政但臣或所見不合政或於已不便終難日久遵依而莊子獨不改真是已

與親合爲一心。自然而然。不繇勉強。故稱其爲難。蓋莊子父爲獻子。原不當改者。非可以幹蠱例論也。

〔演〕曾子說。我曾聽得夫子道來。孟莊子的孝親也。其別事誠爲難得。還好能也。獨他不改父用的臣。與父行的政。不是父子同心。怎來得。這獨爲難能也。

〔商〕

孟氏使陽膚爲士師。問於曾子。曾子曰。上失其道。民散久矣。如得其情。則哀矜而勿喜。○何註曰。陽膚魯季弟也。

〔測〕失道。不外於教養之乖方。民散者。既乏衣食以生養。又無禮義爲隄防。心各離散。而不相維係也。情乃犯罪的情實。得情則

可以定罪而我無枉縱於彼矣。然所以致此實有可原。故爲之哀矜而勿喜。此一念中有多少詳慎寬恤之意。含於無盡最可深味。

〔演〕孟氏使陽膚做管刑的士師。陽膚問於曾子。曾子說爲上的教養無方。失了御下的道。民心離散已長久了。怎教他守得法來。設或得他犯罪的情實。便爲哀矜而勿要歡喜。

〔商〕王師濟問。民之犯罪。既繇失道。則救世者正宜于此加意。謂何止爲哀矜。空空一念。亦何濟于事乎。答曰。此正從源頭處撥動。果存是心。則盡道自不容已。無限作用。皆從此流出矣。然又有說。或士師所司者止刑獄。而盡道非力所能。知有哀矜。則與

其殺不辜。寧夫不經。士師之道。亦可無忝也。

子貢曰。紂之不善。不如是之甚也。是以君子惡居下流。天下之惡皆歸焉。

〔測〕此非寬紂之惡。乃以下流做人。君子惡居下流。是本意。而特借紂以形起之耳。下流爲地之卑。下而衆流所歸者。人之處不善而惡名咸聚。亦猶是也。

〔涵〕子貢說稱極惡。必指紂。紂的不善。不是這等太甚也。只爲他居得不善。是以君子惡着身居下流處。天下的惡都一齊向他歸聚焉。

〔直〕

子貢曰君子之過也如日月之食焉過也人皆見之更也人皆仰之

測如日月之食只是個不遮掩皆見皆仰處便是凡人不但過要遮掩卽改亦要遮掩蓋恐有後日之改便顯出前面的過來總是一團曖昧心腸惟君子則過與更俱曉人一齊看見易見爲仰者其見更時更有欽向之心也處過如此心事益見光明過何足以損君子

演子貢說君子的過也如日月的被食焉其過誤也人都看見他其更改也人都欽仰他絕沒有一些遮蓋

商

衛公孫朝問於子貢曰仲尼焉學子貢曰文武之道未墜於地在人賢者識其大者不賢者識其小者莫不有文武之道焉夫子焉不學而亦何常師之有

識如字讀○何註曰公孫朝衛大夫

淵道獨言文武者堯舜以來相傳之道在于文武且堯舜世遠易湮而文武爲當代之制故謂之未墜朱註指禮樂文章卽易詩書周禮可考而知也未經夫子刪述之前原散寄在人賢是有識見的不賢是沒識見的大小乃大綱細目無人不可有則無人不學無人不學則無人非師如問禮問官入太廟每事問俱是

〔演〕衛公孫朝問於子貢說仲尼從那個爲學子貢說文武制作

的道未墜落於地。尚散寄在人。有識見的賢者。識得他大綱。沒識見的不賢者。識得他小節。凡人莫不有文武的道焉。夫子惟道在便求。那個不學。而亦何曾常師之有。

商李調鼎問文武之道。既卽是堯舜以來相傳之道。則此乃指流行之道脉。恐不當以禮樂文章言。答曰。若指流行之道脉。則當祖述堯舜矣。何以言文武。言文武卽有憲章意。且未墜而識於人。亦是有物可指。如制作之類者。故以禮樂文章言爲是。曰。分了識大識小。似大者指流行之至理。小者乃指制作之粗迹。曰。至理只在心悟。粗迹乃可學人。既有個賢不賢。可分頭去學。總是粗迹。夫子善會之。則皆至理矣。曰。如此。則夫子直從心悟。

足矣。又何必學人曰。道器原不是兩物。如學琴師裏。而得文王之爲人。得文王爲人本至理。非學琴亦無繇得也。又況禮樂文章而可忽視哉。如此正見聖人妙契千古處。若必示以至理。纔知至理。又何以爲聖人。

叔孫武叔語大夫於朝曰。子貢賢於仲尼。子服景伯以告子貢。子貢曰。譬之宮牆。賜之牆也及肩。窺見室家之好。夫子之牆數仞。不得其門而入。不見宗廟之美。百官之富。得其門者或寡矣。夫子之云不亦宜乎。
○何註曰。武叔魯大夫。叔孫州仇。七八曰仞。

〔測〕牆以言其造詣之峻絕。宮以言其蘊藉之宏深。二字不平。乃宮之牆耳。因牆有高卑。而宮中有見有不見。故云賜之牆夫子

之牆。只頂牆說下。宗廟卽指宮。百官乃官中所有。美者狀其光輝富者狀其充實。借此以形胸中之所蘊也。

游叔係武叔告語大夫於朝。說子貢賢過於仲尼。子服景伯把這話來告子貢。子貢說。賜與夫子譬如宮室的牆垣一般。賜的牆繞到得肩邊。外面窺望。牆遮不過。便看見內裡室家的好處。夫子的牆有數仞高。若不得他門進入。便被牆遮過。不看見宗廟的華美。百官的富盛。今得他門的。蓋或寡少矣。怎教他曉得好處。武叔所說。不也是應該的麼。

商

叔孫武叔毀仲尼。子貢曰。無以爲也。仲尼不可毀也。他人之賢者。

丘陵也。猶可踰也。仲尼日月也。無得而踰焉。人雖欲自絕。其何傷於日月乎。多見其不知量也。

〔淵〕不可毀。是毀他不得。看下日月可見。日月之無踰。只是言其高。何傷亦謂不能抑之使卑也。多猶言益。不知量。乃不知已與日月相懸之分量。

〔演〕叔孫武叔毀謗仲尼。子貢說毀他没幹。無用爲此也。仲尼不可毀。你毀謗得也。他人的賢。其高丘陵也。有會高過他的。猶可踰越其上也。仲尼的高。日月也。再高他不過。無可得而踰越焉。人雖要去毀謗。自己棄絕。他的高自在。其何曾傷損於日月乎。益見他不曉得高卑懸絕的分量也。

面

陳子禽謂子貢曰子爲恭也仲尼豈賢於子乎子貢曰君子一言以爲知一言以爲不知言不可不慎也夫子之不可及也猶天之不可階而升也夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

○何註曰綏安也徐

曰執綏所以安也

測天之不可階而升以喻夫子之不可及此只虛說形容還未明顯故又以得邦家狀之夫子神化之妙雖無處不達而得邦家則作用方顯尤人所易見也所謂者必古有此語立是植立

在道中卽輔翼之而使自得者行是在道上行走卽無及無側

遵王之路者。綏訓安來。是來歸附於我。卽舞干羽而有苗格者。和是助躍順從于我。卽協和萬邦黎民於變時雍者。妙處全在斯字。此有感。彼卽應。莫知其然而然。非心思之可測度。非作用之可擬議。誠有如天之無階以升者然。故再言如之何其可及。以應轉前意。

演陳子禽謂子貢說。你道仲尼賢。乃爲恭敬也。仲尼豈真賢過於子乎。子貢說你怎的。這等輕說。君子一句言語停當。人便把他做有見識的。一句言語不停當。人便把他做沒見識的。言語不可不謹慎也。夫子的不可及也。沒等級擬得。就像天之不可階級而上升也。只因不會作用出來。不見得若夫子之得邦家。

者真所謂植立他。百姓就植立。引道他。百姓就遵行。撫綏他。百姓就來歸。鼓動他。百姓就和悅。其生也。有尊親的榮。其死也。有思慕的哀。這等神化不測。怎的他可及得也。

商鄭尚友問。猶天之不可階而升。畢竟于夫子身上。如何體貼。答曰。只就天體貼便是。子貢于夫子。比之以宗廟之美。百官之富。日月之不可踰。天之不可升。皆因就夫子身上。實說不易明。故特借所易見者。以形狀若必于夫子身上。更求如何是宗廟。如何是百官。如何是日月與天。恐非子貢指點羣愚之意。曰。旣都是虛喻。謂何又說綏來動和等。曰。亦須說些實事。纔於虛處。証得其實。曰。夫子原不曾得那家。卽綏來動和等。亦是虛話。又

於何處見得真實。曰：夫子相魯三月，如別途不餽饋等，便有許多感化人處。此雖未足盡夫子萬一而亦略露緒餘矣。窺一斑而知豹，安在不可見得那家之作用也。洪度曰：有謂子貢不把本體處論夫子，只論到作用上，還是其識見不到處。曰：因爲本體難見，故說到作用。正要人從作用處窺本體。又道是只說作用，不說本體，這等逐塊之見，怎麼去覓到識田裡來。曰：舊說原謂天之不可升，是狀本體；立之斯立等，是狀作用。似於意義更覺周匝。曰：如之何其可及，明與夫子之不可及，相爲呼應。則中間立之斯立等，與天之不可階升，自必無二意。若本體之不言，則古人說話點頭應腦，拈束識西，正見他悠長不盡之味。豈如

今人關江網文字件件裝進乃為完美也

堯曰第二十

堯曰咨爾舜天之厯數在爾躬允執其中四海困窮天祿永終舜亦以命禹曰予小子履敢用玄牡敢昭告于皇皇后帝有罪不敢赦帝臣不蔽簡在帝心朕躬有罪無以萬方萬方有罪罪在朕躬周有大賚善人是富雖有周親不如仁人百姓有過在予一人謹惟量審法度修廢官四方之政行焉典滅國繼絕世舉逸民天下之民歸心焉所重民食喪祭寬則得衆信則民任焉敏則有功公則說○註疏曰履股也名玄牡黑牡未變其色也皇大也后君也親而不賢之管蔡是也仁人謂箕子微子來則用之權也量審法度此二帝之事祿合以成章簡大禹謨湯誥秦誓或則此章其文畧矣

〔淵〕記者歷敘堯舜禹湯武孔子之言以見道統之相承也堯命
舜之辭無可考其言見大禹謨內既曰舜亦以命禹則堯必以
先之矣咨乃投以艱大而嘆息也曆數即今曆日中之年數帝
王在位必有正朔以紀年號堯欽若昊天首重曆象故以禪位
爲曆數在躬中乃無過不及之理允執者信能執持而不使有
毫髮參差也中不但存乎心而見之行事則政平人和天下舉
得其所四海困窮正是不能執中處天子玉食萬方故爲天祿
永終者永遠斷絕以見曆數之難保也舜命禹雖有人心道心
惟精惟一之辭總爲執中而設故將亦以命禹一言括之曰予
小子履至罪在朕躬是湯放桀而告諸侯之辭皇皇后帝訓大

大君帝謂天帝也。有罪指桀。帝臣者以諸侯爲上帝之臣。見非已所敢臣也。不蔽謂不蔽其善。簡訓閔有罪有善皆如上帝心。下簡閔過的一般。旣欲仰對天心。便不敢不以天下爲已任。罪在朕躬者。繇已處置失道也。周有大賚至食喪祭。是武王事。其中雖有周親四句。乃武王伐紂而誓師之詞。賚訓賜。謂散鹿臺之財。發鉅橋之粟。善人是富者。獨加厚於善人也。周親是周同姓之親。仁人是有德之賢者。謂賢賢猶勝親親。不私於所親也。僅量乃在官取民及民間通川多重入輕出。故須加謹慎。務得其平。法度者凡以上御下畫一之式。俱謂之法。其中細微節次爲度。審則詳明而不紊亂也。廢官或有官無人。或有人不稱其

官。脩則脩整而庶官各舉其職也。權量法度廢官皆政所繇行者。故四方之政行焉。滅國。謂諸侯之國。當時爲紂所滅者。則復其爵土以興起之。絕世。謂聖王之裔。如堯舜禹湯之後。廟祀已絕者。則封其子孫以繼續之。逸民。德行超逸。如微箕商容之類。不仕于紂者。舉則使之在位也。滅國絕世逸民。皆民心所繇係者。故天下之民歸心焉。食喪祭。乃養生送死所在。凡事雖所畱意。而於此尤加重也。寬則得衆以下。是孔子平日論仁之言。卽所告子張者。其無子曰如前引湯武之言。亦未嘗有湯武字也。蓋自堯以一中投舜。道統已開其先矣。然必以四海困窮爲念。是中乃所以行仁者。自此湯承天討罪。心切萬方。武布政寧民。

係情天下。皆不外此仁。而夫子亦每以仁道設教。豈有得于中之傳。而衍之者歟。記者於論語末篇。歷敘堯舜禹湯武而終以孔子之言。道統之傳。端必有屬矣。堯則得衆以下採方如騏驎

〔演〕道統惟堯獨盛。堯傳舜說。各嗟。你這舜。上天紀年的曆數。今輪在你身上。須實落執守這中道。使天下得所。若四海困窮。便所食的天祿。永遠終絕。曆數不是好承受的。舜傳歷數于禹。也把這執中來命禹。湯放桀。告諸侯說。予小子履。敢用玄色牲牲。敢明告於大大君帝。鑒臨在上。桀有罪。予不敢赦宥。爾諸侯乃上帝的臣。有善予不敢隱蔽。這都簡閱在上帝心裡。不是我容得私的。自今朕身上有罪。不千萬方事。萬方若有罪。這罪都在

我一人身上。周武王伐紂散財發粟有極大的資賜。獨於善人是加富厚。他學師說雖有周家的親戚待他還不如如有仁德的人。百姓若有過失都只在我一個人。於是謹慎那取平的權量。詳審那頒行的法度。脩整那廢墜的官職。因此四方的政都通行焉。興起那諸侯見滅的國土。繼續那聖王久絕的世系。舉用那超逸不仕的人民。因此天下的民都歸心向往焉。所尤加重是民養生的食。送死的喪。祀先的祭。孔子告弟子爲仁說寬廣便得衆歸附。信實便民都委任焉。勤敏便事有功績。公平便人心悅服。堯舜禹湯武孔子相傳道統大略是這等。

商孟師尹問。執中觀惟精惟一似只在心上說。答曰。功夫雖在

心而運用却不離事。如手之持秤。方其無物。則置錘于定盤尾。上如衡之平。及其有物。必因物之多少。以爲推移。方重輕不爽。豈容執定在一處。○曹覲文問。書云。受有億兆夷人。離心離德。予有亂臣十人。同心同德。雖有周親。不如仁人。蔡註。周至也。紂雖有至親之臣。不如周仁人之賢而可恃也。今講與書經不合。恐失來歷。答曰。亂臣十人。中原有同姓異姓。惟賢賢勝于親親。公而不私。乃能同心同德。註疏原如此。解與書經本文亦自說得去。○陳義錫問。舊謂滅國是有子孫而無爵土者。則裂土以封之。絕世是有爵土而無子孫者。則尋旁支以續之。今講似與不同。答曰。然。滅國雖有子孫。豈宜不問應否而濫復絕世。若有

爵土其國人自能尋旁支以續又何待武王蓋滅國乃見滅之國必出於紂之肆惡而非其罪者故當興絕世乃久絕之世必帝王曾有功德而其子孫失國不能世守廟祀者故當繼○柴世基問前敘堯舜商周語雖錯落皆有頭腦如貫以堯曰及舜及予小子履及周字可見今寬則科舉四句既是孔子之言何不明白指出何爲又去却恭惠二句而換以公則說此等處不能無疑答曰如堯曰誠是裝頭其小子履乃因本文原有字面相帶引來非有意標出且引別書言語必須指明其人而夫子之言卽在論語中似不標明亦可至易以公則說者看前所引書經語句亦多改易原不拘定字字相因也

子張問於孔子曰何如斯可以從政矣子曰尊五美屏四惡斯可以從政矣子張曰何謂五美子曰君子惠而不費勞而不怨欲而不貪泰而不驕威而不猛子張曰何謂惠而不費子曰因民之所利而利之斯不亦惠而不費乎擇可勞而勞之又誰怨欲仁而得仁又焉食君子無眾寡無小大無敢慢斯不亦泰而不驕乎君子正其衣冠尊其瞻視儼然人望而畏之斯不亦威而不猛乎子張曰何謂四惡子曰不教而殺謂之虐不戒視成謂之暴慢令致期謂之賊猶之與人也出納之吝謂之有司

訓五美四惡論政之法戒獨此爲詳屏四除惡易要費勞易要怨欲易要貪泰易要驕威易要猛此皆事勢相因而能不犯纔

見惠勞欲泰威的妙處。故以爲美。因民之所利。不專是生財之法。凡民所便利處。皆俯順民情而成就之。這于民既得惠于已。又不損。故爲惠而不費。勞不專是工作之役。凡教他做的。皆謂勞。擇可者。擇其事理所當然。民亦道是該勞的。故不怨。欲仁。是我心裡要兼濟天下。得仁。則果於天下有濟。這不是有所取于人。故不貪。無衆寡大小。而皆無敢慢。只在自己心裡操練得精神。自然心廣體胖而舒泰。並不至意氣加人。故泰而不驕。正衣冠。尊瞻視而人畏。只在自己身上簡點得端重。自然氣度覺得威嚴。並不至勢力凌人。故威而不猛。不教而殺。是不教道他。使知何方。因有罪便殺了。不戒視成。是令人做事。不先戒諭。要立

看他成就。慢令致期。是與人相期。把命令遲慢。要依期立致。暴者。躁暴無序。賊者。陰賊害人。猶之乃一樣之意。謂前後免不得一與。乃出此納彼之際。却又吝惜不捨。有司者。守藏之吏。而非從政之體也。致期與人。皆行政所必有。卽聖王豈能廢此。但只是不教不戒。慢令。就去行法。責於民者。本難該緩的。反急了。出納之吝。施於上者。本易該急的。反緩了。行得沒次第。便爲政害。非謂於政外另作惡事也。

演子張問於孔子說。怎麼樣便好從政了。夫子說。尊奉那五樣美事。外除那四樣惡事。法戒並行。便好從政了。子張說。怎麼叫做五美。夫子說。君子加人恩惠。必至費財。却又不費。使人勤勞。

必至怨我。却又不怨。心裡有欲。必至貪得。却又不貪。自身舒泰。必至驕傲。却又不驕。對人威嚴。必至猛厲。却又不猛。行政易犯的不犯。便是美處。子張說。怎麼叫做惠而不費。夫子說。因民情所便利的。去便利他。這不是要着我的。不亦惠而不費麼。擇事理該勤勞的。去勤勞他。這便都道是該做的。又那個有怨。欲要仁愛。果去施濟得了仁愛。這不是要着人的。又焉得爲貪。君子無分人的衆寡。無分事的大小。都無敢輕慢。這只在自心有主。不亦泰而不驕麼。君子端正他的衣冠。尊嚴他的瞻視。儼然人望見而畏憚之。這只在自身作肅。不亦威而不猛麼。子張說。怎麼教做四惡。夫子說。不曾教導他方法。就用誅殺。叫做殘虐。不

魯戒諭他做事。臨時立看成就。叫做躁暴。原自怠慢了命令。一時立致期限。叫做賊害。一般樣與人。到底少不得的。乃出此納彼之吝惜。叫做守藏。的有司。行政該緩該急的。不中緩急。便是惡處。

商陸鳴時問。仁以天地萬物爲一體。卽就作用說。誠是。但此章說個欲仁。欲字畢竟在心上。何以亦指作用。答曰。這章書是論甚麼。曰。論政。曰。既是論政。何以單指一心。孟子曰。徒善不足以爲政。不是作用。怎麼會得得仁。○唐廣問。君子之威。應須從心上生。如何。只在衣冠處簡點。答曰。正衣冠。非正歪斜之說。如今時尚之服。或淫巧可觀。使非存心正大者。鮮不爲俗所染。至

視間。若胸中稍有不端。則輕佻箕踞之態。不免見於眉宇。若見爲威嚴。而反自取褻。故此衣冠之正。瞻視之尊。亦自不易得。子曰。不知命。無以爲君子也。不知禮。無以立也。不知言。無以知人也。

〔測〕命字連天言。則屬着天。單言命。便在人身上說。亦可自有生之初。凡窮通得喪。皆有定數。就如分付定的一般。惟曉得命。方能不加計較。聽其自來。做得好人成。故不知命。無以爲君子。禮乃律身之規矩。惟曉得禮。方能把身子就他。植立得定。不淫不移。故不知禮。無以立。人的言語。或騰口說。或發跡。爰惟曉得言。方能照見他心事。好歹不爲所欺。故不知言。無以知人。三項各

自開說。而所貴於能知則同。

渙夫子說。不曉得付定的命。便要圖微幸。無以做安命的君子。也不曉得律身的禮。便易爲引動。無以自己植立。也不曉得人說的言。便被他欺哄。無以識真偽的人品也。凡要緊處。不可沒些見識。

商柴世埏問。知命以天命言。亦是學問大頭腦。夫子常言知天命。又言小人不知天命。若屬人身以得失言。似反說向小去。答曰。天命二字連用。原該在上天賜付說。若命字單用。則如死生有命。居易俟命。得之不得有命。又似從人身指出天命。便單在得失上看。亦說得去。如今憲臣之有勅命。班自朝廷。則爲王言。

之屬付。奉自臣子。則爲居官之職掌。亦可各就一邊說。然職掌之在臣子。卽其屬付於朝廷者。實總此一勅命也。命與天命之別如是。